


BIBLIOTEKA


Zakt. Nar. im. Ossolińskich

XVII

7.600



68



1693

200

2
no 31

1
no 31

P R A X I S
PAROCHIALIS
Ex varijs Synodis,
SS. Canonibus, De-
cisionibus Aposto-
licis DD.

COLLECTA.

Nibilex sensu proprio
Per R. P. ADALBER-
TUM TYLKOWSKI

Elibus S. I. T. lauineni
Cum facultate Superiorum!

V A R S A V I Æ
Typis Collegij SCHOLARUM PIARUM
Anno Domini 1693,



1972 - K. 262

XVII - 7600 - II



JLLUSTRISSIMO
Ac REVERENDISSIMO D.
D. HIERONYMO

De Magna Chrzaſtow

WIERZBOWSKI DEI & Apostolicæ Sedis Gratiâ

Episcopo Fessensi

Suffraganeo Præposito, Vica-
rio in Spiritualibus Generali
Posnaniensi, Custodi Varsavi-
ensi, Domino Patrono
Colendissimo.

Postquam plura & varia in
usum Ecclesiasticorum scripsi,
A2 super



supererat ut brevem Praxim
Parochialem per modum Manu-
alis luci darem, quam non de-
cet me offerre alteri, quam Tibi
JLLVSTRISSIME Reveren-
dissime Präful. Moles quidē Tu-
is indigna manibus, verūm ma-
teria benigno potest placere oculo,
quia Tui obiectum est judicij;
non numero alia, quæ me ad offe-
rendum impulerunt. Est in Te
magnitudo generis ab optimis
Avis & Atavis exornata; est
scientia sacra, & hoc scriptum
ex illa procedit: adest zelus &
super Minores Pastores vigi-
lantia Pastoralis: est vitæ san-



clitas, neq; in hac scriptione ad
aliud respexi. Curatorum per-
fectio est forma gregis; quam
Tu pro virili urges. Est mode-
stia, qualis poterat expectari a
quopiam ex SS. Patribus, &
procedit in exemplar. Faveat
& promoteat DEVS has o-
ptimæ dotes animæ: procedat
virtus de virtute in virtutem.
Addat annos quibus sunt digna
Tua merita: quæ per amplio-
res exaggeret Dignitates. ita
voveo.

Cliens humillimus
Adalbertus Tylkowski
S. I.

Apples Jilly
Chiles Pimento



P R A X I S P A R O C H I A L I S

I. **Q**ui recipit Parochiam examinet
scipsum in his punctis. An cum
requisitis conditionibus Ordines acce-
perit, quas requirunt SS. Canones &
Constitutiones Apostolicæ. Unde vide-
at. An sit promotus in ætate requisita,
vel ante illam, vel non confirmatus, vel
extra quatuor tempora; aut alia præscri-
pta. An servaverit interstitia præscripta
inter unum & alium ordinem, an omis-
so aliquo ordine, an non facta priori
Ordinis exercitio, an debitam inten-
tionem habuerit?

2. An habuerit sufficientem provisio-
nem, vel patrimonium? an verò ficto
titulo, vel fictâ provisione accesserit? an
sine dimissorijs proprij à non proprio
Episcopo sit ordinatus, vel existens in
aliqua

2 PAROCHIALIS

aliqua censura, in his enim casibus debet quærere dispensationem cum justa causa, ne ex peccato in peccatum ruat & pereat: an illi Beneficium sit collatum cum requisitis à Tridentino, & in suo mense Collator contulit. An priùs examen subiit, quām possessionem adiit, an statim Beneficium curatum, quod prius habuit, dimisit. An fecit professionem fidei intra duos menses ab adita possessione, aliter enim non faceret fructus suos. An obtinuerit sine dolo & suspicione de simonia. Si aliquod impedimentum deprehendes, consule doctos viros: & si ita fuerit, procuretes occultè novam provisionem.

3. Hæc collecta sunt ex Constit: Sixti V. contra Clericos male ordinatos. incip. Sanctum & salutare: & Constit. Pij II. cum ex sacrâ ex Trid. Sess. 23. cap. 5. & seq. 9. & sess. 24. cap. 18. Et Constit. Pij V. In conferendis cap. 32. & Trid. sess. 24. cap. 1. de Reform. & Constit. Greg. XIII.

4. Valde conveniens est ut in aditu suæ Parochiæ exercitia sacra & confessio nem generalem faciat ex tota vita, ut sic in se amorem Dei accendat, sine quo

P R A X I S

3

non potest benè oves suas regere. & eo ipso crescit in humilitate, & discet alienos defectus patienter sustinere. Sit orationi addictus. Per hanc S. Severus Sulpitius evertit idolorum templum, & Parochio incumbit everttere idola luxuriæ, avaritiæ &c. Quæ aliquando sunt in cordibus suorum; per hanc datur bonum exemplum.

5. Cayeat avaritiam, Christus cum severitate de templo ejecit animalia, quæ Sacerdotum avaritia in illo vendebat, ut docet S. Aug. tractat 10. in Ioan. quia sunt vocati in sortem Domini, debet à mundanis separari. Et Matth. 6. *Vbi est thesaurus vester, ibi ē cor vestrum.* Claritatem extinguit avaritia, quia cor indurat, & ad rapiendum aliena inclinat. Debet etiam ab Affinibus suis cor avelere, quia illi absorbent ea quæ in plures poterant dividi, & acuit sollicitudinem congregandi pecuniam, illos promovendo. Ita erravit Heli Reg. 1. cap. 2. Trid. sess. 25. cap. 1. de reform. Omnipotens verò eis interdicit, ne ex redditibus Ecclesiæ Consanguineos, familiare/gj suos augere studeant, cum & Apostolorum Canones prebibet.

4 PAROCHIALIS

hibeant, ne res Ecclesiasticas, quæ Dei sunt,
Consanguineis donent, sed si pauperes sunt,
ijs ut pauperibus distribuant, eas autem non
distrabant, nec dissipent eorum causa, imo
quam maximè potest, eos Sancta Synodus mo-
net, ut omnem humanum hunc erga Fratres.
Nepotes, Propinquosq; carnis affectum, un-
de malorum in Ecclesia seminarium extat,
penitus deponant.

6. Meminerit Curatus quod dixit Ec-
clesiasticus cap. 34. *Ab immundo quis mun-
dabitur?* explicat hoc S. Greg. Moral. 19.
cap. 14. *cujus vita despicitur, fieri vix po-
test, ut etiam prædicatio non contemnatur.*

7. Debet habere sollicitudinē de suis ovi-
bus, ut possit dicere cum Paulo 2. Cor.
11. *Quis infirmatur, & ego non infirmor?* quis scandalisatur, & ego non uror! Unde
vigilare debet in omnibus, laborare, in
sollicitudine esse, speculatorē agere,
Sicut bonus Pastor die ac nocte pervigi-
lat. Sicut Gen. 35. dicebat Jacob Labano-
Idcirco viginti annis fui tecum, oves tuæ &
capræ tuæ steriles non fuerunt: arietes gre-
gis tui non comedí, nec captum à bestia oflen-
di tibi. Ego damnum omne reddebam, quid-
quid furtum peribat, à me exigebas, die no-
Etug;

Et uigilæstus urebar, fugiebatq; somnus ab oculis meis.

8. Examinet Curatus conscientiam suam præsertim circa hæc. Qualem frumentum hâc die fecerit in animabus, & in quo defecit in administratione Sacramentorum. 2. Si aliquem in aliquo scandalisavit. 3. Si absq; necessitate à sua abfuit Parochia. 4. Si distulit juvare suos. 5. Si non implevit quod illi à Superiore ordinatum. 6. Si neglexit corrigerem familiares & domesticos. Illud etiam consideret quod dixit DEUS per Ezechiem cap. 34. *Væ Pastoribus Israel qui ponebant semetipos. Nonne greges à Pastoribus paucuntur? lac comedebatis & lanis operiebantur, quod crassum erat occidebatis, gregem autem meum non pascebatis.*

9. Probent in se exemplar bonorum operum, alioqui ut scripsit S. Bern. ad Abb. Epist. 201. *Subsanabit te sapiens ut pigrum illum cui labor sit manum porrigit ad os. Arguet te & Apostolus dicens. Tu qui alios doces, te ipsum non doces. Circa vestimentum formam, colorem, extant passim Synodi. S. Hieron. ad Nepotian. Ornatus ut sordes parimodo fugiendi sunt.*

6 PAROCHIALIS

10. Modum conversandi præscribit S. Paulus cap. 2. Tito. *In omnibus te ipsum præbe exemplum bonorum operum, in doctrina, in integritate, in gravitate, verbum sanum, irreprehensibile; ut si qui ex adverso est, vereatur nihil habens malum de nobis dicere.* Caveat nimiam familiaritatem cum Parochianis, ne vilescat, dum nāq; prædicat agit vices Apostoli, dum abolvit, agit vices Christi: decet ergo ut nisi excellentia agat & audiat, ne officium ejus propter mores ejus contemnatur. Sit ad omnes indifferens, & neminem ostendat se contemnere, aut alicujus errores approbare. Hieron. in cap. 2. Epist. ad Titum ita monet. *Videte ne per amorem sanctum fiat non sancta dilectio, quæ vos in gehennam trahat.*

11. Ut otium evitet, diei horas sic distribuat, ut cuilibet certum assignet munus: nec immerito dixit Plato, *Ordo est anima rerum.* Et licet una vel altera turbetur propter emergentes casus, adhuc facile poterit redire ad ordinem. Somnus nimius est contrarius vigilantiæ Pastoris. Somno expergefactus meditetur, deinde horas Canonicas recitet,

tum

P R A X I S 7

tum audiat Confessiones, si adfuerint Pænitentes, tum celebret Missam ita, ut omnes Parochiani possint illi interesse, aut saltem pars præcipua. Postquam dominum redierit, faciat examen conscientiæ, & sic consequenter.

12. Scientiam habeat necessariam pro suo officio, quia dictum est. Osee 4.
Quia tu scientiam repulisti, repellam te nè sacerdotio fungaris mihi: quare S. Paulus 1. Timoth. 4. Attende lectioni, exhortationi doctrinæ: de hoc S. LEO Papa Epist. 22,
Si in laicis intolerabilis est ignorantia, quantò magis in ijs, qui præsunt, nec excusatione digna est, nec veniā. Et licet possit aliquando ad doctiorem recurrere, dantur tamen multi casus qui id non patiuntur propter circumstantias; quare Parochus debet optimè nosse casus conscientiæ, de restituitione bonorum & honorum proximi, & similibus, & de his antè consulat.

13. Libros pro suo negotio habeat necessarios ut sunt, Breviariū, Missale, Biblia, Agenda. Bulla Cænæ Domini, Concilium Tridentinum, Epistola Pastoralis Marciiovij, Vitas Sanctorum, Cōcionatores, Casistas. Non numero hīc libros

8 PAROCHIALIS

bros meos, quos in utilitatem Ecclesiæ impressi , Instituat subinde Conferentias casuum cum aliquo vicino docto Sacerdote. Exercitia Spiritualia quotannis faciat ut Synodus proxima Posnaniensis statuit.

14. Domum habeat quantum fieri potest vicinam Ecclesiæ ita ordinatam , ut hospites illâ viâ possint colligere animâ illius esse benè ordinatam , sint imagines sanctæ , locus honestus sed non delitosus , vasculum cum aqua benedicta , oratorium cum aliquot libris Spiritualibus : pro armis habeat crebras orationes , Recreatio ejus poterit esse , cultura horti , pomarij : pictura , & Musica honesta , non autem chartifolia , venatio , aut crebra apud laicos convivia . Nā S. Hieron. Epist. ad Nepot. scripsit . Facile contemnitur Clericus , qui sapientius vocatus ad prandium , non recusat .

15. Familiam curet habere modestam , nam ut dicit S. Aug. apud Chartag. de vita Curat c. 12. Domus Parochi quasi in speculo posita est , & quidquid ibi fit . id sibi omnes arbitrantur licere . Caveat ne praeter Matrem & sorores sint domi , nam ut idem

Aug.

P R A X I S 9

Aug. Quæ cum sorore mea sunt, sorores meæ
 non sunt. Imò Hieron. Epist. 4. ad Rust.
Quantò vilior est earum conditio, tanto faci-
 lius est earum ruina. Et hoc ipsum etiam
 in infirmitate observandum monet Epi.
 ad Nepot. Ægrotanti tibi quilibet Frater
 Sanctus assistat, & germana, vel Mater, a-
 ut probatæ quælibet apud omnes fidei. Quod-
 si hujuscemodi non fuerint consanguinitatis, ca-
 stimoniaq; personæ, multos annos nutrit Ecclesia,
 quæ & officiū præbeant, & beneficiū accipient,
 ministrando; Infirmitas quoque tua fructum ha-
 beat eleemosinæ. Iscio quosdam convalescisse
 corpore, & animo ægrotare cœpisse, pericu-
 losè tibi ministrat, cuius vultum frequenter
 attendis. In reliquo appono sententiam
 S. Hieron. apud Cartag. de vit. Curat.
 art. 61. Quid tibi cum mulieribus o Sacer-
 dos, qui ad Altare Det familiaris, & in loco
 ejus stas? Væ tibi Sacerdos, qui ijsdem la-
 bijs oscularis Filium Hominis, quibus paulo
 ante osculatus es filiam veneris. O Iuda oscu-
 lo Filium Hominis tradis! Sacer canon di-
 cit 3. 8. d. c. ignor. & c. si in laicis: Ma-
 jus præjudicium DEVS in mundo non pati-
 tur, quam à Sacerdotibus scientiâ, & bona
 vita carentibus. Quare hoc respondet
 Aug.

10 PAROCHIALIS

Aug. apud Carrag. l. c. ar. 59. *Omnis quæ male vivit coram eis quibus Præpositus est.*
Impuris DEUS mortem minatur. Deu. 7. *Anima polluta quæ ederat de carnibus hostiæ pacificorum, peribit de populis suis.*
SS. Patres minas quæ sunt apud Prophetas docent, quia cadūt supra impuros Sacerdotes. Am. 2. *Ecce ego stridebo super vos, sicut stridet plastrum novum onustum fæno.* Osee 13, *Occurrat eis quasi ursa rapta catulis, disrumpam interiora eorum, & consumam eos ut leo.* Ezech. 13. *Ecce ego complosi manus meas super maculas vestras, & conflabo vos, & succendam in igne furoris mei, & conslabimini in medio ejus, sicut conflatur argentum in medio fornacis, & requiecam.* Malach. 2. *Et nunc ad vos verbum istud, o Sacerdotes, qui polluistis domum meam: ecce proieciam vobis brachium, & dissipgam super vultum vestrum sterlus solemnitatum vestrarum & assumet vos secum.*
Canones antiqui sic habet d. c. Presbyteri.
Presbyter si fornicationem fecerit, quanquam secundum Canones Apostolorum deponi debet, attamen juxta authoritatem Beati SYLVESTRI Papæ, si in vitio non permanserit,
sed

P R A X I S

ii

Sed suâ sponte adjecit ut resurgat, decem annos hoc modo pæniteat. Tribus mensibus remotus à ceteris Fratribus, pane & aquâ à vespera in vesperam utatur. Diebus autem Dominicis, ac præcipuis festis, modico viuno ac piscibus atq; leguminibus utatur absq; pane & sanguine, ac ovis & caseo. Sacco quoq; induitus humo inhæreat die ac nocte, vigilet, misericordiam Dei imploret. Finitis tribus continuis mensibus exeat, tamen in publico non procedat, ne grex illius in eo scandalum patiatur. Postea aliquantis per viribus resumptis, unum & dimidium expleat in pane & aqua, exceptis Dominicis diebus, & præcipuis festivitatibus, in quibus vino & carnibus, sanguine, ovis, & caseo juxta canonicam mensuram poterit uti. Finito autem primo anno & dimidio Corporis & Sanguinis Domini, ne indurescat particeps fiat, & ad pacem veniat, id est, Fratribus reconcilietur, ac Psalmos inter eos in choro ultimus cantat: nec tamen ad locum accedat altaris, sed juxta B. Clementis vocem minora gestas officia. Deinde vero usq; ad expletionem septimi anni, omni tempore, exceptis Paschalibus diebus, in unaquaq; hebdomada, in pane & per tres legitimas ferias. Expleto cir-

B

culo

12 PAR OCHIALIS.

culo septimi anni, si Fratres apud quos pænituerit, ejus condignam pænitentiam laudaverint, ipse ad pristinū honorem redeat.

16. Diligentem curam circa suos sensus adhibeat: quia ut advertit S. Isid. lib. 2. de summo bono c. 39. Dæmones scientes pulchritudinem animæ esse castitatem, & per hanc hominem Angelos meritis, è quibus illi lapsi sunt coæquare: livore percussi invidæ, iniiciunt per sensus corporis opus, desideriumq; libidinis, quatenus è caelestibus dejectam deorsum animam pertrahant, secumq; quos vicerint gloriantes ad tartara ducant. De oculis dicit S. Aug. Ne dicatis vos habere animos pudicos, quoniam impudicus oculus impudici cordis est nuntius. Caveat non solum à detractione, sed etiam à levibus facetiis insuper. Eccl. 11. De ea re quæ te non molestat, ne certes: & 2. Tom. 2. Servum Domini non oportet litigare, sed māsuetum esse ad omnes, docibilem, patientem, cum modestia corripiuentem eos qui resistunt. tum S. Bern. lib. 2. de consid. cap. 13. Ad cachinnos moveris, fædius moves, consecrasti os tuum Evangelio. Talibus aperire illicitum, assuescere sacrilegum est. Labia Sacerdotis custodiunt scientiam, & legem requirunt

quirunt decentius, non nugas profecto, nec fabulas. Sciat etiam de verbis otiosis sibi reddendam rationem, ut est Matth: 12. hoc est de dictis ad nullum bonum finem. Unde Bern. 5. de consid. *Vtilis semper custodiaoris, quae tamen affabilitatis gratiam non excludat.*

17. De residentia Pastoris ita dicit Trident. sess. 6. cap. 1. de reform. *Attendentes sibi & universo gregi, in quo Spiritus S: posuit eos regere Ecclesiam Dei, quam acquisivit sanguine suo, vigilent sicut Apostolus præcipit, in omnibus laborent ut ministerium suum impleant, implere autem illud se nunquam posse sciant, si greges sibi commisso mercenariorum more deserant, atq; ovium suarum, quarum sanguis de eorum est manibus à supremo Iudice requirendus, custodie minime incumbant, cum certissimum sit non admitti Pastoris excusationem, si lupus oves comedit, & Pastor nescit: & contra non residentes statuit pænam sess. 23. cap. 1. Si quis autem (quod utiq; nunquam eveniat) contra hujus decreti dispositionem abfuerit, statuit Sacrosancta Synodus, præter alias pænas adversus non residentes sub Paulo III. impositas, & innovatas ac mortalis peccati*

cati reum quem incurrit, nam pro rata temporis absentiae, fructus suos non facere, nec tutam conscientiam, etiam alia declaratione non sequutam, illos sibi detinere posse.

18. Quoad Missam attinet, consideret quis est ille qui offert, quid offert, cui, quo fine, seipsum etiam consideret. Est Minister publicus Ecclesiae, refert in se personam Christi, qui principaliiter offerit, est membrum Christi qui participat & recipit hostiam consecratam DEO, ut Minister Ecclesiae facit, actum quo colitur supremè DEUS, & efficitur mediator inter Deum & homines, ut illos Deo reconciliet. Quare debes hoc agere liber ab omni peccato cum magna reverentia, quia hujus officij possent fructum impedire peccata. Inquantum representat personam Christi debet eniti ad hoc ut se illi reddat similem, de quo Paulus Hebr. 3. *Talis decebat ut nobis esset Pontifex, Sanctus, innocens, impollutus, semper à peccatoriis, & excelsior cælis factus.* Ille renovat memoriam passionis & mortis Christi in suo habitu at ceremonijs. Ut est membrum Christi meminerit quod dictum Sacerdotibus legis veteris qui solum umbram

P R A X I S

15

bram hujus mysterij tractabant. *Omnis homo qui accesserit ad ea quæ conservata sunt, & quæ obtulerunt Filij Isræl Domino, in quo est immunditia, peribit coram Domino.* Supra quæ verba S. Basilius. Tales minæ propositæ sunt contra eos, qui simpliciter accedunt ad ea, quæ ab hominibus sanctifica- ta sunt. *Quid verò quis dixerit contra eum, qui in tantum ac tale mysterium audet? quād enim hic plus (illo templo Salomonis) et juxta ipsam Domini vocem, tanto gravius & terribilis est in inquinamento animæ au- dere contingere Corpus Christi, quām attin- gere arietes & tauros.*

19. Non celebret ergo Sacerdos Mis- sa cōsci⁹ sibi peccati, nisi priùs confessus, si possit, vel si id non possit, conteratur & postea quamprimum confiteatur. Non celebret in Ecclesia non benedicta, nec in Oratorijs ab Episcopo non usitatis, nec sine licentia in eo altari in quo Episco- pus dixit Missam hodie; ut infra: neq; (excepta die Natalis Christi) ante auro- ram, neq; post meridiem, quia id prohi- bent Canones. Pro eadem Missa non accipiat plura integra stipendia, quia op- posita sententia est damnata, & ab ean-

16 PAROCHIALIS.

dem causam non accipiat maius stipendium substituendo alterū, qui pro minore celebret. Applicet autem totum va-lore Missæ secundum quod obligatus est accepto salario, vel sicut ordinabit Episcopus. Si in certo loco est obligatus celebrare, in illo celebret. Non obliget se ad celebrandum quotidie, quia vix satisfaciet. Sed obligatur celebrare pro populo applicando illi totum valorem, siue per se, siue per alium; & hoc docet Soto sub mortali, sed hinc videnda praxis diæcœlos, & decisio Visitatoris.

20. Non publicet *nova miracula* inconsulto Episcopo, nec ob hanc rationem novas imponat imagines. Reliquias non exponat, quæ non sunt ab Episcopo approbatæ. Nihil novi in concione commendet sine licentia. Non differtat sacra pro quibus stipem accipit. nullas mercaturas in templo permittat, cum Christus etiam ea quæ ad Sacrificium erant utilia eicerit ex templo adiecit in crepationibus Marci. II. Scriptum est quia Domus mea domus orationis, vos autem fecistis illam speluncam latronum, & adgitur: non sinebat ut quisquam transferret

VAS

vas per templum. Idē est de tumultu, clamore: non se reclinet populus super altaria, super Baptisterium, non sedeat obverso tergo altari, aut in confessionalibus, aut admittantur canes, sclopeta aut contractus, aut iudicia maximè criminalia, etiam in cæmeterio. idem de frumentis, officinis, ludis: pauperes non discurrant per templum mendicando, sed id faciant ante portam, ijsq; attendatur ut die Festo Sacrum audiant.

21. Sciat quousq; se extendat immunitas Ecclesiastica, & illi servandæ serjò invigilet, conservet omnia bona Ecclesiae, eorumq; habeat inventarium, idem est de instrumentis iuridicis, de contractibus. Curet hæc corrupta describi & authenticari: limites recognoscat, ædificia visitet. Non alienet quidquam Ecclesiasticum in se Episcopo. Recuperet amissa iuxta suum iuramentum, reparet corrupta. Si novam Ecclesiam ædificet, id faciat cum consensu Episcopi, & illi dominum vicinam extruat, & primo in loco crucem erigat: ut est cap. nemo de consecr. disc. i. Porticus ante templum seruiat pro prævijs baptismi, pro absolutio-

ne publica: minimis defectibus occur-
rat antequam sequatur majus damnum:
in pavimento non sit aliqua imago sa-
cra, vel Crux. Ecclesiæ claves apud se re-
ponat loco certo. Sit locus mundus, telæ
araneæ frequenter mundentur.

22. *Majus altare* habeat cancellos ad
minimum pedes duodecim distantes ut
commodè possint cæremoniæ in Missa so-
lenni expediti, & ad illos acclinari com-
municantes, in illisq; possit mappa ex-
tendi, & penes illos possint genu flectere,
et altare sit elevatū: in altari sit Crucifi-
xus in medio ita ut emineat, neq; mappæ
lineæ sint eadē in altari, sed omnes cre-
bro mutentur: sit præterea aliquis pannus
quo iste mappæ & contra pulverem te-
gantur. Altare portatile, si altare fixū
non est consecratum, ponat sub his
mappis ita ut possit Sacerdos cognoscere,
ubi sit portatile, quod debet esse tantum,
ut capiat calicem cum patena, & sine il-
lo celebrare est mortale, indispensabile.
Amittit consecrationem si ex sua theca
excidat, si ita sit fractum ut in neutra
parte possit consistere simul calix
cum patena. Duæ sint pixides pro
com-

communione, altera pro sanis, altera pro infirmis, & mundissimo insistant corporali quod etiam subinde mutetur. Scratis optima ciborij.

23. *Reliquiae* non possunt publicè in templo poni nisi ab Episcopo recognitæ, nec in modicissima quantitate, nec nudas osculo populi exhibeat. *De imaginibus Sacris* legat Trident. sess. 25. de invoc. & renovat. cap. mandat S. Synodus, & ita Parochianos instruat. Nulla nova iusitata imago in Ecclesia pingatur vel appendatur sine scitu Episcopi, pictura etiam non contineat aliquam falsam doctrinam, vel repugnantem S. Scripturæ vel traditionibus, vel quid incertum, profanum, dedecenter nudum, nec animalia: novæ sint ab Episcopo benedictæ imagines. Qui etiam inscriptiones novas releget. *Lampas* ante Venerabile semper ardeat. Laici cum clero non misceantur, sic S. Ambros. non admisit Theodosium Imper ad locum Cleri. Famine sint à viris seorsim, nihil ponatur in altari nisi quod spectat ad Sacrificium: campanula sit propè altare. Necessaria præter calicem & vestimenta sint ad Missam, Im-

go, Crucifixus, duo candelabra, antependium, tres mappæ, portatile si non est consecratum Altare, pulvillus pro Missali.

24. *Baptisterium* semper sit clausum, & aqua quæ defluit è baptisatorum capitibus in vas singulare defluat. Sitq; iste fons ad cornu Evangelij si non sit in sepperato sacello, & ad illum per tres gradus ascendant. Candela sit pro pauperibus, qui illam afferre non possunt; vas sit cum sale, & linteis ad abstergendum oleum, in vicino habeantur stola, & rituale, & regestrum baptisatorum, atramentarium cum calamo, in libro scribantur nomina Patris & Matris, & quod sint legitimi coniuges: ibidem serventur Sacra Olea: attendat, ne fontis aqua corruptatur: vnde vas mundet frequenter: habeat vas quo infundat aquam baptizando, & illud omni mense mundet, & sale mutet attendendo ut sit siccus, propterea illum exsiccat, idem & de linteolis. Olea serventur sub clavi. Habeat vas quod non serviat nisi ad lavanda corporalia & purificatoria, calices, & alia vasa Sacra. Aqua benedicta mutabitur singulis diebus

bus octo, & vas mundabitur, sal benedictus in loco sicco servabitur: cathedra mundabitur quando populus non est in templo. S vadetur ut fæminæ in altero confessionali quām viri confiteantur, vel saltem non eodem tempore.

25. Habeat in confessionali Bullam cænæ & casus reservatos, cantus sit devotus & ordinatus ad Missæ misterium ut Trid. sessi, 23. præscribit, organa silent in Adventu exceptâ Dominica tertia: in Quadragesima, excepto Lætare & Cœna Domini, in Adventu, in vigilijs. Claves apud se habeat. Campanæ sint benedictæ, & benedictio libro inscribatur. Sint inæquales ut distinguatur pro quo pulsantur, & campanile semper clausum, pulsetur cum advenit visitator, & in tempestate, iuxta Concil. Colonien. &c.

26. Nemo sepeliatur sub altari, aut eius gradibus aut intra cancellos, in parietate templi, hoc enim prohibuit PIUS V. nec sepulchrum è terra emineat, nec in eo sit Crux, aut alicuius Sancti imago, & alicubi prohibetur inscriptio nisi prius ab Episcopo revisa: Cœmeterium sit cinctum lapidibus, & Crux in eo ercta gran.

grandis: poterit in eo esse aliquod facel-
lum. In illo quandoq; pro defunctis ce-
lebretur, sit ossarium, nulla in cæme-
teris plantetur arbor, nec herbæ finan-
tur crescere, sit clausum,

27. Sacristia ad orientem sit, & habeat
fenestras oppositas ut perflari possit. Sit
in ea lavatorium, sit mundum. Armari-
um sit unum pro calicibus, alterum pro
casulis, tertium pro linteis, omnia sint
elevata à terra, & mensa ex qua Sacer-
dotes sumant vestes sacras, separatim ser-
ventur corporalia & purificatoria. Sit
locus pro reliquijs. Sit imago Sacra, sit
locus pro Missalibus & librīs choro ne-
cessarijs: pro librīs Baptismi, Matrimo-
nij, Confirmationis, pro instrumentis
juridicis, contractibus, & alijs similibus
rebus. Crux in altari sit in medio can-
delabrorum, sit alia Crux pro processio-
nibus & servetur decenter: candelabra
sæpè mundentur, & illud quod portat
Crucem Paschalem, ut & triangulare pro
septimana sancta, in quo statui possint
candelæ quindecem, & unipedi insistat,
in gradibus altaris statuatur ad cornu e-
pistolæ. Canonis tabula ponatur ut à

Sacer-

Sacerdote àspici possit, & si corrupta sit
comburatur, & cinis in sacrarium mit-
tatur, post Missam reponatur sub panno
quo tegitur altare.

28. *Mappæ* altaris debent esse lineæ;
& frequenter mutari, & una non debet
duplicari. Sed debent esse diversæ, fimbriæ
possunt habere coloratas ad terrā
descendentes. Consuetudo fuit de qua
Zacharias Papa, ut in antependio, vel
Crux, vel Patronus Templi exprimere-
tur: & ad nullum alium usum adhibe-
tur, etiam altaria aliquo panno tegan-
tūr. Humerale habeat cruces supra &
infra, & funiculos ut illis circa se cir-
cumdictis possit se Sacerdos in pectore li-
gare, & frequenter mutetur. Alba sit
de lino non angusta instar sacci, manicæ
in fine strictiores, Cingulum J N N O-
CENTIUS III. vult esse lineum. Stola
aliâs dicta Oratum, & à S. Damaso pal-
la limostina, debet per crucem ducta per-
tingere ad genua, Crucem in medio ha-
beat. Manipulus sit latus ut stola, ha-
beat Crucem. Casula habeat ligulam
per quam alligari possit ne cadat, & ut
circa collum possit apparere stola: Dal-
matiæ

24 PAROCHIALIS

maticam non induant nisi qui sunt in Sacris Ordinibus.

29. *Calix* saltem ab intus sit deauratus, sed quoties inauratio mutatur debet de novo consecrari: lavetur frequenter etiam cum smegmate & statim siccatur, & aqua in sacrarium projiciatur. S. CLEMENS de hoc sic scripsit ad S. Jacobum: *Calix ad perferendum Sanguinem Domini paratus cū tota mysterij mūditia parādus est, ne non bene iustus Calix Domino fiat peccatū Diacono offerenti.* Si abruperit violentē pedem à Calice, exacerbit illum quia formam amittit. Patena debet habere margines subtiles, ut micas possit colligere, debet esse intus aliquomodo cava iuxta amplitudinem calicis: non adhibeatur nisi ad Sacrum: nec ista duo in cista serventur supra quam aliquis sedeat. Corporale sit mundum, nec sit acu pictum cum serico, nisi forte in marginibus: debet totum portatile tegere, sit quadratum, in formam Crucis complicatur, peccabit graviter adhibendo corporale aut purificatorium valde immundum: vel si valde rarum, ut particula possit per illud penetrare: servetur in bursa eius
colo-

coloris quem tempus requirit, nec bursa utatur ad eleemosynas. Nec purificatorio quod sit pictum serico vel re alia, habeat Crucem: frequenter mutetur, nec sit lacerum & ne illud inficiat non adhibeat vinum rubrum: cum hæc lavantur, prima & secunda aqua proieciatur in sacrarium, & si reddantur inutilia, exurantur, & cinis in sacrarium mittatur.

30. Urceoli crebro laventur: sit pelvis in quam decidat aqua dum lavantur manus. Missale habeat præ oculis ne erret, idq; novum à CLEMENTE VIII. recognitum: nec ponat in terra ut possit calcari, habeat indicem sericeum, saltum duodecem radiorum: si utitur pulpite in eo ponat pulvillum, ac tandem Missale. Monstrantia sit apertilis ut possit hostia cum sua lunula imponi: ac postquam est exempta, ante purificationem in Missa supra patenam bene lunula excutiatur ne forte in illa lateat aliqua mica hostiæ. Pixides pro S. Eucharistia sint intus deauratae: & quæ est pro infirmis habeat velum coloris juxta tempus. Si in bursa defert, eam de collo appendat. Paxis in quo servantur hostiæ

stiae non Sacrae habeat in fundo vel linteolum, vel chartam albam, desuper premantur plumbeâ tabellâ ne incurventur: farina pro illis sit recens, alba, nullâ repermixta: sit pro illis scutella, & cochlearia novo cum farina subigitur, nec ulli alicui usui seruiat: mûdûferrû cum imagine crucifixi, ferrû aliud pro majoribus & minoribus rotundandis hostijs quod huic soli usui serviat. Corporale benedictum tamdiu est tale, quamdiu integrum, idem de calice & patena vel non inaurata de novo. Curet cum magna reverentia tractari vasa sacra neq; à laicis; magis etiam lapidem altaris: Corporalia, Purificatoria lavet Diaconus atq; Præsbyter s. *Nemo 2. de confess. d. 1.* Veste profanæ possunt converti in sacras, dummodo formam mutent. Amittunt benedictionem vestes sacræ, quando ita corrumpuntur, ut fiant ineptæ ad usus sacros. Si albæ nova manica assuatur, debet tota de novo benedici, idem de cingulo rupto, si nulla pars ejus ad cingendum sufficiat. Lacera aut valde immunda ornamenta constituunt reū peccati gravis si hoc fiat per crassam negligentiam:

si au-

Si autem sit materia levis & desit plena advertentia, erit veniale. Oportet ut sit fidele inventarium utensilium. nullum oratorium in sua Parochia extrui sinat absq; suo scitu.

31. Omni studio cūrēt ne Parochianī errēnt in fide, nevē quis eos in illa subverrat: attendat ad superstitiones: qui annuam confessionem non fecerunt, qui licentiosē vivunt. si quid faciat contra fidem vel legat libros hæreticos. qui scit hoc certō, nisi intra certos dies revelet Prælato, incurrit excommunicationem iam latam à Leone X. & hoc populo explicet. Attendat ad periuria, blasphemias, maledictiones, ne ista ex consuetudine dicāt. quia illam depōnere debent. advēttat ne in schola quid erroneum doceatur, imò Magistri debent priùs profiteri fidem, sciāt qui sunt libri prohibiti.

32. Omni momento sancte vivat ut possit sancte administrare Sacra menta. *Sacerdotes qui accedunt ad Dominum, sanctificentur, ne forte percutiat eos.* Si sibi conscientis mortalīs, priùs quam ministret Sacra menta debet confiteri, sed ante Missam si Sacerdos non desit, debet confi-

teri. Omni horâ cùm evocatur , sit expeditus nihil differendo, nullâ cholera ostendendo quòd sit vocatus , sive sit tempus oportunū, sive importunū & de hoc sæpius admoneat populū s̄aviter, ut illū evocet quando indigerit Sacramentis , & subinde consideret quām sit hoc sanctum opus. vt se ad illud excitet. Rubricas bene & Agenda relegat , vt sit in hoc punc̄to expeditior , & nihilominus cùm ministrat habeat illa præ oculis , & curet intelligere quid illæ cæremoniæ significant. Non substituat sibi ullum Sacerdotem , nisi approbatum ab Episcopo , vel in gravi necessitate , & sit vitæ bonæ , qui etiam nihil accipiat , & omnia necessaria habeat, simul ministret in superpelliceo & stola. cum vadit ad infirmum , faciat id cum omni gravitate & devotione. datus Sacra menta, de illis instruat, vt docet Trident. non obliviscatur lumen quæ debent deferri, absint excommunicati publici.

33. Non decet vt *Baptismus* ante ortum solis vel post occasum ministretur , nisi adsit necessitas , vel licentia , sine hac non baptiset infantem alterius Parochiæ,

si de-

Si deficiat oleum Sanctum, poterit illi admisceri aliud, sed benedictum, sed in minori quantitate, sed propter hunc casum asservatur copiosius oleum in Cathedrali. Pro Baptismo habeat simul modicum gossypij vel telæ, & vas pro abludis digitis, & alterum lineum pannum pro abstergendis, medullam panis pro extergendo oleo, lineum pro siccando infantis capite. salem mundum, vas pro infundenda aqua supra caput infantis. Infideles quando veniunt ad Baptismum sint prius benè in fide instructi. Non differat Baptismum Infantium. Cum è longinquo portant infantem, simul ferant aquam in casum si ille interim moreretur ut baptisari possit ab illis. Nomina non imponat inhonesta aut Paganorum, sed Sanctorum quos imitantur & à quibus iuventur. Si fons Baptismalis deficiat, mundato vase, de novo benedicat, & reliquam priorem aquam proieciat in Sacrum. Si aqua congelavit, calefiat, nec opus erit nova benedictione. Doceat, si accidat Baptisare domi, ut maiorem capitum partem aquâ perfundant formam proferendo. si aqua nimis frigida, utatur

30 PAROCHIALIS.

calidiore. Si monstrum afferatur, consulatur Officialis, sed forma semper proferatur dum aqua funditur. accurrat autem quamprimum ad Baptisandum ne interea moriatur Infans, & consideret quod faciat ex filio irae filium DEI. Si Baptisatus domi, cæmonias suppleat ante portam Ecclesiæ, inhalet etiam discrètè, inscribat statim libro ne differendo obliviscatur nomen baptisantis, Baptisati, Parentum legitimè coniunctorum, Patrinorum, & iste liber sit sub clavi, ne fiat fraus aliqua, neq; ex illo ducat attestationem in causa criminali ne incurrit irregularitatem. moneantur Parentes ne prôlem ad lectum accipiant cum periculo suffocationis.

34. Iuxta Trident, non admittantur in Patrinos nec duo viri, nec duæ mulieres, sed unus vir & una mulier etiamsi sint coniuges. Non admittantur Infideles, Hæretici, Excommunicati, Interdicti, Delinquentes publici, Infames, stulti, minores annis 14. qui non communicârunt in Paschate, qui actu faciunt pænitentiam publicam, Monachi & Monachæ, immo conveniens ut nec incogniti & va-

gabundi. In Baptismo Parochus non det infantem Patri aut Matri eius; monentur Patrini officij sui, quod illum puerum instruant in lege & fide Sancta, si in hoc defecerint ejus Parentes.

35. *Communio annua sive Paschalis* debet esse in Paschate, & ita ne impedit alia officia, & expedit ut viri seorsim à feminis communicent, vel non simul, cancelli cooperiantur lineo albo, & duo candelabra illis superponantur aut circumferantur, particulae non maneat discooperatae. Alter Sacerdos vel Diaconus supponat patenam pro micis qvando datur Communio, ablutio si danda, non in calice, sed in alio vase fiat. Informetur autem populus ante, de Mysterio & reverentiâ illi debita, de micis remanentibus in ore & dentibus, servetur die Cænæ Domini Sacramentum pro die seqventi, connotentur qui in Pascha communicant. Præmittatur: *Confiteor &c. Indulgentiam.* cum ostenditur communicans dicatur. *Ecce Agnus &c.* tum pectus percutiendo. *Domine non sum &c.* Publicis peccatoriis negatur communio. S. Chrysost. ad pop. Antioch. hom. 60. *Hæc ad Communi-*

cantes dico, & ad vos Ministrantes, nam & ad hos sermonem convertere necessarium est, ut multo cum studio haec dona distribuatis, non parva vobis imminet ultio, si quem cuiuspiam conscium nequitiae, huius mensae participem esse concedatis, ne sanguis eius de manibus vestris exquiratur, sive quis Dux militiae sit, sive Praefectus, sive Princeps diadematate coronatus, indignè autem accedat, prohibe. maiorem illo potestatem habes. Propterea vos Deus hoc insignivit honore, ut talia discernatis, haec vestra dignitas est, hoc securitas, hoc vestra corona: non ut albam & splendentem circumfeatis induiti. (eo tempore in albis incedebant Sacerdotes.) Publici peccatores antequam communicent publicam agant pænitentiam, tales sunt usurarij publici, concubinarij, meretrices, blasphematores & similes. præmonendi ergo sunt ne accedant, ne postea cum pudore omittantur, occultis peccatoribus, si accedant, debet dari communio. Si publicus ferat testimonium a suo Confessario quod sit absolutus, si tamen Parochus non videt in illo ullam emendationem, non debet illum communicare, unde instruat de hoc tempestivè, & nonisi bonis concedat

cedat ut alibi pro Paschate communicent; nulli autem neget ob aliam causam communionem nisi ob peccata publica, quia circa alia potest aliter procedere.

35. Infirmo non det communionem per modum viatici, hoc est, non iejuno, nisi proximo morti & in eodem morbo nisi semel, nisi sit morbus longus & nova adficit necessitas, det verò quoties petetur iejuno. Quando non potest saepius accedere infirmū ferat statim secum S. Oleum, & ungar statim post Communionem, non ferat ad eum qui vult adorare, sed sumere non potest. ablutionē digitorum aut bibat infirmus, aut ipse Sacerdos in Missa post purificationem ordinariam.

36. Pénitentiæ Sacramentum cum omni dulcedine & zelo ministrandum. non propter aliquod suum interesse, sed solum cum charitate, & zelo honoris Divini, & salutis proximi. Est in manu eius perditio animarum, & de manu eius Deus eam requiret. unde saluti ovium omne suum commodum die ac nocte postponat, gratis ministret, siquidem dictum est, quæ gratis accepistis gratis date. Caveat ne illi adhæreat aliquod peccatum

ex his quæ audit. Non spernat graves peccatores, quia & Christus lavit pedes Iudæ, et si inde fructum non videbat futurum. Occasiones rescindat recidivæ, & instruat quomodo in illis se debeat gere. re Pænitens. Si consilia eius non acceptet Pænitens, misceat severitatem cum amore, quod factus Dei inimicus, spelunca dæmonum, feci tecum in persona Christi quod potui, tu mavis esse carbo inferni: resuscitare volui tua bona opera quæ per peccatum mortificasti. curris ad mortem & fient tua peccata graviora propter tuam ingratitudinem.

37. Confessarius est cooperator Dei, propterea debet semper adiutorium Dei expetere, est Iudex sciat quouiq; iurisdictio sua se extendat. Parochus pro sua solùm Parochia approbatur, nec potest alienos audire sine speciali licentia, præterquam Sacerdotes idq; eiusdem Diæcesis, & non Religiosos. interroget de circumstantijs necessarijs si illas omisit Pænitens dicere, & suppleat illius defectum. sed cum valde scrupulosis satis est si audiatur illa quæ dicunt, nisi de contrario constet. Si defectu præparationis non dicitur

cat quæ sunt necessaria , vel se de novo
præparet, vel sacerdos suppleat, idē est, si
obliviscatur gravium. examinet se per lo-
ca, tempora , negotia , quæ interim ges-
sit , & si adhuc sibi non commemoraret ,
habeat propositum confitendi postquam
commemoraverit , & sic absolvatur : non
est opus ut Pænitens scribat sua peccata.
& si scripsit non legat ea simpliciter , sed
cum dolore. Si venit distractus, aut à ne-
gotio temporali , sine prævia oratione ,
aut simili pio affectu, si perseverat in pec-
cato, lucris malis, odijs , nolendo illa di-
mittere , male est dispositus.

38. Interroget Pænitentes secundūm
eorum statum , antiquitatem prioris con-
fessionis. circa carnalia circumspetè , ne
doceat , cum necessitate , ne doceat pec-
care , s̄aviter. postquam Pænitens dixe-
rit omnia quorum meminit , cavendo ne
complicem nominet , ne verbis indecen-
tibus exprimat peccata , si ambiguè re-
spondet Pænitens vel sileat, non absolva-
tur , quia non est contritus. moneatur
quòd stulta verecundia illum possit per-
dere. quærat de numero peccatorum , an
quotidie , & per quot septimanas , men-
ses ?

36. PAROCHIALIS.

ses? nullum signum impatientiae ostendat, nec Pænitentem increpet imò illum animet, non suspiret, non se signet, non tristitiam ostendat, posset enim per hoc secretum violare detegendo apud adstantes & deterrendo Pænitentem à dicendo. timidis non se exhibeat severum imò illis explicet misericordiam Dei, & quòd sint qui gravius illo peccârunt, & salvati postquam omnia dixerunt, exponat illis gravitatem peccatorum eorum, & pènas quas promeriti. Obstinatis reciter quas pènas similes incurrerint.

39. Doceat ignorantes Sacerdos ne per ignorantiam cadant in peccata, sed caute pueros & fæminas, ne doceat peccare. doceat Catechismum & mysteria fidei rudes, de præceptis Dei & Ecclesiæ, de Sacramentis, de SS. Trinitate, de Incarnatione, Eucharistia- & sciat ipse quos ignorantes possit absolvere, & si promiserunt se ista discere, & non sciunt, differat absolutionem. Moneat Patres & Matresfamilias, ut ista doceant domesticos, & an id faciant, interroget, an præcepta Dei & Ecclesiæ serventur, Missa audiatur, ieiuncent, peccata prohibeantur.

Si

Si ista non faciant, convenit illis differre
absolutionem. Qui volunt perfectè vive-
re, in hoc promoveantur, doceat etiam
de viribus excommunicationis. Consulat
etiam in difficultoribus casibus: nec pri-
us absolvat quām sit certus. Meminerit
quod dixit S. Aug. cap. si habet 24. q. 3.
dist. 38. *Ego senex à iuvene, ego Episcopus*
tot annorum à collega nondum anticulo paratus
sum doceri & alibi. Nullus Episcopus pro-
ppter opprobrium senectutis vel nobilitatem ge-
neris, à parvulis, si quid forte est utilitatis,
aut salutis, inquirere negligat.

40. Non solum debet examinare Con-
fessarius, sed etiam iuvare, iuvando ad
contritionem & propositum, si in hoc
non habet praxim, oret Deum & li-
bros legat, consulat prudentiores. Ad-
vertat an Pænitens amore moveatur an
timore. si timore, ostendat illi turpitudi-
nem & multitudinem peccatorum eius, &
quas pænas pro illis meritus, adducat
exempla, quòd etiam in hac vita sunt pu-
niti aliqui, quod sit nihil occultum quin
reveletur. quid per peccatum amittat,
quid incurrat. S. Antonin. 3. p. tit. 13.
C. 19. *Rustici & idiotæ non dignantur aspe-*
ritatt

ritate verborum, & peccata parvipendunt ex lenitate sermonis. attendendum tamen ne amittant spem veniae. Qui amore ducitur, illi proponantur beneficia Dei, creationis, redemptionis, &c. & oratiunculae spem excitantes, explicetur Dei bonitas quæ illum huculq; sustinuit.

41. Antequam absolvat, occasiones peccati proximas amoveat. oculos Pænitens cōrceat, concubinam expellat, à ludo abstineat in quo pejerat, locos certos non accedat, si iam ante promisit & non fecit, si iterum promittit, differenda est absolutio donec se emendet. S. Chrysost. dixit. *Annosa passim medicamentis momentaneis non curantur.* Hæ occasiones non sunt quidem peccata, sunt tamen occasio, ut agere Mercatorem, Telonarium, Iudicem, Advocatum &c. quia in his facile exercentur fraudes, iniuriæ, perjuria; tales frequenter ad doctum Confessarium recurrent & circa singula consilium petant. & si hoc non prospicit, sed adhuc relabantur, mutent officium.

42. Si Pænitens non possit proximam deserere occasionem, syadeatur illi frequens oratio, nunquam solus cum sola ma-

imaneat , frequenter confiteatur . si hæc fecerit , absolvatur primâ vice : sed si adhuc labatur , omnino se ab illa occasione dividat . Remedia deinde hæc habeat . 1. Manè surgendo è lecto , statim suas omnes actiones Deo offerat , & pro illis gratiam petat 2. Quotidie Missam audit , vel si id fieri non possit , accedat Ecclesiā ut in illa adoret SS. Sacramentum ; audiat Concisiones , visitet carceres , hospitalia . assistat alicui pauperi morienti . 3. Faciat disciplinas , ieiunia , portet cilicia , & familia . 4. Orationes iaculatorias adhibeat cùm aliquo actu devotionis exterioris . 5. Habeat aliquam devotionem ad SS. Virginem , ut Sabatto ieiunare . dicere Rosarium , visitare aliquod eius facellum , dare elemosynam in eius honorem . 6. Habere devotionem ad S. Angelum Custodem , & S. Patronum . 7. Examinare quotidie omnes horas diei quomodo illas transegit , videndo cum quibus , & quæ tractet . 8. Vti frequenter Communione maximè pro festis solennibus . eligat optimum & eundem Confessarium . 9. Oret frequenter ab omnibus alijs liber : meditetur quatuor novissima .

43. Intra audiendum Confessiones frequenter emittat iaculatoriā orationem, utatur, quem hoc tangit, stolâ, & superpelliceo. fæmina non accedat nisi in loco publico, cùm accedit fæminas infirmas, aut porta sit aperta, aut testis, nec citius, ante solis ortum, vel post occasum, aut dū sunt tenebrae, nec sine candela. Caveat ab omni signo indignationis, personam gerit Christi qui est mitissimus, recipiat quemvis ut ille bonus Pater filium prodigum, audiat quoties illi violent confiteri. Si videat Pænitentem parum dolere excitet cum illo actum contritionis, non detineat ultra necesse Pænitentem, & provideat ne quam in fleendo sentiat molestiam, potest etiam, si longa est Confessio dividere, quia fatigatus Pænitens non est aptus ad recipienda monita.

44. Quando est magnus accusus Pænitentium, nullum præponat, nullum postponat: habeat tamen rationem viatorum, debilium, & qui aliàs sine Confessione abirent. non terreatur ullius dignitate, sed dicat quæ ad salutem eius sunt. applicet sibi dictum sapientis. *Noli fie.*

fieri iudex nisi valeas irrumpere iniquitates. Si neganda vel differenda absolutio , fiat id quam dulcissimè ostendendo, quod hoc sit pro bono ipsius. Qui raro communicant, solent ad communionem male præparati accedere , doceat Sacerdos modum, considerent quid agant.

45. Nec pro levibus peccatis graves , nec pro gravibus leves imponat pænitentias. Trid. sess. 14. c. 8. Ne forte levissimæ pænitentiæ opera pro gravissimis delictis iniungendo alienorum peccatorum particeps efficiatur. Poterit antiquos Canones Pænitentiales adducere , non ut secundum eos imponat pænitentiam , sed ut Pænitens apprehendat gravitatem sui peccati. Pro perjurio imponebantur septem anni in pane & aqua. cap. At si quis 22. q. 5. Consideret non solum peccati gravitatem , sed etiam vites Pænitentis , si petat sibi gravē imponi pænitentiā. illa ipsa imponatur, qvia sic erit plūs meritoria, erit enim pars Sacramenti. Pro debili vero offerat se aliquā partē velle facere pænitentiæ de cætero svavi modo inducat ad facien-

dum.

BIBLIOTEKA
O. O. KAPUCYNÓW

w Szczecinie

dum. Imponat autem proportionatè ad peccata, ut carnalibus jejunia, disciplinas, cilicia, vigilias, peregrinationes. Avaris restitutionem, eleemosynas. Superbis ut petant à Deo humilitatem. Accediosis ut intersint Concioni, Catechismo, frequentent Ecclesias & Officia Divina. Blasphemis detur gravis pænitentia: sed non imponitur eleemosyna pauperibus, aut ieiunium laboratoribus. potest publicis peccatoribus imponi pænitentia subinde publica, sed si illi ipsam acceptent, ut cum ædificatione fiat, & sine læsione secreti, nec publicas ab Episcopo ordinatas commutet Sacerdos in privatas. In omni pænitentia spectetur ut peccatum præteritum puniatur, & à futuro fiat præservatio, pro quo legat libros spirituales, frequentet Sacra menta maxime Confessionis. non accedat talem domum, nec tales personas cum quibus Deum solitus offendere. & omnia fiant svaviter.

46. Si imponit Sacerdos Missas Pænitenti, non ad se illas dirigat, idem de restitutione, de commutatione uoti; nec restitutionem in se recipiat nisi à Pænitenti-

tente cogatur ut ille non detegatur, & statim chartam accipiat ab illo cui restituit, camq; monstrat restituenti. In nullo casu committat Sacerdos, ut violet sigillum Confessionis, aut illam reddat odiosam, imò de hoc certificet suos Pænitentes, maximè fæminas. propterea non loquatur de suis Pænitentibus, nec illos detineat extra Confessionem, nec de materia loquatur in qua sunt Confessi nisi ipsi cæperint, etiamsi peccata aliunde sciat, sed de his si opus, ante Confessionem loqvatur. nec de auditis in Confessione loqvatur cum alijs etiam per terminos generales, ne forte aliquis conijciat personam Pænitentis; vel circumstantiam. qvare optimum est à talibus colloqvijs abstinere. agat cum Pænitente ac si nihil ab illo mali audivisset, sed ita dulciter sicut antea, etiamsi gravissima audiverit, ut Pænitens videat qvòd nihil cum illo agat vi Confessionis, nec illum minùs æstimet. Recurrunt aliquando ad Sacerdotem aliqui, vel passi damna à Pænitente, vel vt de ipsius peccatis instruant: ibi cautissimè Sacerdos respondeat, non dicat se iam ista au-

diuisse, ne confirmare videatur, aut se-
cretum lædat, nec dicat se de hoc mo-
nuisse Pænitentem. Concordias si pe-
rantur, faciat ante Confessionem. non
laudet Pænitentē coram alijs nisi ex vir-
tute publica.

47. Non bene faciunt qui differunt
Confessionem Paschalem usq; ad ulti-
mum diem, quia propter multorum
concursum non possunt bene confiteri,
quare ut id faciant cito, moneat Paro-
chus. Pueri antè instruantur de virtute
hujus Sacramenti. ex aliena Parochia
non confiteantur sine licentia proprij
nisi priuilegiato, sed hoc non faciant,
ut vel censuras, vel restitutionem omit-
tant, vel ut non euadant occasionem
proximam peccati. Concedat autem li-
benter Parochus ut suis alteri confitea-
tur quando non est suspicio deceptionis.
imo hanc licentiam illis offerat, maxi-
mè qui cum eo litigant, vel qui illum
offenderunt, damnificârunt, complices
fuerunt, vel illi, qui confiteri non possunt
sine aliqua nota, vel qui ad alterum ma-
jorem habent affectionem, vel sperant ab
illo satisfactionem.

48. Viatores, qui non de industria
vitando proprium, veniunt, potest pro
Paschate audire Parochus. Cogitetur quo-
modo Patres-familias suos pueros & fa-
miliam possint adducere ad Catechi-
smum. de illis qui sunt in pagis. de me-
dijs extirpandi peccata publica, blasphemias,
concubinatum, usuras &c. ut fe-
sta obseruentur, ad Missam eatur. Ab-
solutio neq; per literas, neque per in-
ternuntiū, detur & confessio facta est va-
lida itemq; absolutio. ita Clemens VIII-
Anno 1602. & excommunicationem in-
currunt ipso facto qui contrarium do-
cent reseruatam Papæ. De Censuris, de
Casibus reseruatis scripsimus in Libro,
quem appellauiimus TRIBUNAL SACRUM,
& alibi. Si quis veniat ex alia Diœcesi
cum casu qui in illa reseruatus, hic ve-
rò non, potest absoluī secundūm doctri-
nam Nauarri cap. 27. num. 261. spectare
tamen oportet, ne casus ille fuerit publi-
cus & scandalosus, tū enim ad suā Diœ-
cesim pro absolutione remittendus, vi-
dendum ne Pænitens veniat in fraudem
sui proprij Parochi, talis enim absoluī
non debet, si autem è valde longinquo

46 PAROCHIALIS.

& Pascha immineat, debet absoluī, non potest avtem commutari aut dispensari votum reseruatum Papæ.

49. Quando Pænitens habet reseruata & non reseruata, vtraq; simul confiteatur, nisi Sacerdos habeat facultatem absoluendi à reseruatis extra Sacramentum, ut tollat reseruationem, tunc illi poterit dicere sola reseruata, sed alteri debbit & hæc & altera dicere, ut reseruatione sublatâ absoluatur. eidem verò tandem confiteatur reseruata & non reseruata mortalia, ut confessio sit integra.

50. Quod attinet *Matrimonium*, dedimus de hoc summulam SS. Canonum. Parochus non faciat Bannas nisi circa Personas cognitas, & si instantiā fecerat Pater & Mater Sponsorum, aut Tutorum, & sint sposi in ætate legittima, quæ est in Masculis annorum 14. in fæmellis 12. completorum, nec illos denuntiet qui non sunt confessi Paschaliter nisi confiteantur ante bannas, nec vagabundos sine licentia Episcopi, nec illas quæ degunt in Monasterio. Si interea afferatur aliquid justum impedimentum, re-

cur-

currat ad Episcopum. si datur dispensatio in Bannis inscribatur in libro cum suis rationib^o; cui inscribit Matrimonia Bannæ fiant die festo in Missa, & expedit illas affigere ad valvas templi. Quando sunt sponsi de duabus Parochijs. in utraq; fiant bannæ, & si dubium oritur, ad Episcopum referatur. semper attendatur ut bannæ fiant quando est populus frequens, vnde ad illius frequentiam differrantur, & pro bannis nihil exigit Parochus. instruat illos qui debent impedimenta reuelare, quantum ex hoc sequatur incommodum,

Si. Si sit suspicio de Consanguinitate vel Affinitate, computet gradus & doctiores consulat, & interea differat Matrimonium. & propterea in Concione explicet impedimenta Matrimonij, similiter dies quibus prohibentur nuptiæ, ut etiam non consumentur ante benedictionem. Qui contraxerunt Matrimonium in gradu prohibito, separentur donec obtineant dispensationem, quæ per Episcopum expedietur, ad quem spectabit pauperes adiuvare, & de hoc docetur populus. Commemoret decretum

Trid. sess 24 de reform. Cap. I. quod excommunicentur qui cogunt aliquem vel aliquam ad Matrimonium. similiter quod sit prohibitum Matrimonium clandestinum. Non assistat illis qui nesciunt ad salutem necessaria, ut Pater noster, Ave Maria, Credo, Decalogum, nisi aliter magna urgeat necessitas, vel sit licentia Episcopi ut interea ista discant. Triduo ante Matrimonium Sponsi confiteantur & communicent, neque dum sit hoc Sacramentum, proferat aliquis verba in honesta. Missam Sponsi audiant. Consensum de praesenti non de futuro claris verbis exprimant. si dubie proferant, consulat Episcopum. Etiam quos contingit cum licentia domi contrahere, intra dies decem recipient benedictionem in Ecclesia. Hic actus non potest fieri nisi per proprium Parochum, aut sine illius licentia, aut Episcopi, & qui Sacerdos sine his faceret, ipso facto suspensione incurret & si illi datur facultas, statim libro inscribatur.

52. *Extrema unctio*, neq; danda condemnatis ad mortem à Iudice, neq; Pueros ante usum rationis, neq; à nativitate-

te amētibus neq; puerperis nisi post partū proximæ sint agoniz; potest conferri Adolescentibus dū mors impendeat à febre, læsione aut alijs causis naturalib; potest dari cæcis, surdis, mutis, paraliticis, semper carentib; sensu. non datur nisi in morbo in quo mors timetur, sed non expectetur dum æger sensibus & ratione priuetur potest dari lapsō in phrenesim & extra se facto, dum non fuerit in peccato mortali quando in phrenesim labebatur, aut in excommunicatione, vel scandalum sequatur ex unctione, si dubium an vivat, præmittatur conditio, si vivus es & sic detur, & si videatur mori, quam celerrimè continuetur. non iteretur unctione in eodem periculo mortis, nisi novum superueniat post aliquod tempus, aut judicio prudentis. ungantur oculi, aures, nares, os, pedes. & renes, si est consuetudo, & tempus patitur, & Psalmos ac Litanias dicat. Pro unctione, si tamen æger adhuc vivit, non adhibeat aliud oleum quam Infirmorum. si infirmus non possit confiteri aut communicare, si tamen dedit signum doloris aut attritionis, & desideret, ungatur, ut ex attri-

50 PAROCHIALIS.

attrito fiat contritus. dum daturus alii
cui valde periculoso, viaticum habeat se-
cum, Oleum infirmorum, & statim un-
gat, sed prius explicet vim unctionis si
tempus patitur. Caveat ne aliquis sua
culpa sine unctione decedat, sic enim
mortaliter peccaret Sacerdos, quia da-
mnum grave ficeret ægro.

53. *Visitatio Infirorum* quanto iu-
vari potest salus eorum tanto diligenti-
us facienda. Moneat Parochus popu-
lum ut si quem contingat infirmari sta-
tim illi significant, & antea visitet fre-
quenter, ne infirmi tantum in hoc casu
videndo visitantem, terreantur, & ma-
xime visitet ab initio morbi officiosè, &
doceat domesticos ut illum ad hoc in-
vitent, maxime quando est quid pericu-
losum. Scripsi ego in Libro cui titulum
dedi. MEDICUS FAMILIARIS. quomodo
cognosci possit Infirmus periculosus. do-
ceat ut æger de manu Dei recipiat ut
medicinam morbum, ut omnia ferat pa-
tienter, si infirmus est fortis animi, si-
gnificet illi periculum mortis. si est ti-
midus, non dicat illi de morte, & in-
ferno nisi prudentissimè. Si deseratur à
Medi-

Medicis non ideò illum terreat Parochus, svadeat vt se voluntati Dei conformet, & interea confiteatur. Proponatur illi, si dolores morbi sustinere non potest, quomodo ignem inferni sustinebit in quo anima usq; ad resurrectionem manebit & postea cum corpore in æternum, ubi nullum habebit nisi dæmones, qui in hoc toti erunt, ut semper accumulent tormenta. non differat, quia multi differendo pænitentiam sunt damnati, ne confiteri tum primum velit, quando non poterit, vel ut latro positus in tortura. modicum est tempus quo potest B. Virginis & Sanctorum inuocatioне iuvari, obstinato autem commendetur ut oret, & alibi pro ipso orent, & ipse Parochus pro illo oret, Missas offerat, & alia.

54, Quando *Parochus vocatur ad confessionem Infirmi*, omnia statim alia relinquat, fortasse hæc illius Confessio erit ultima, & post hanc nullum remedium, laboret ut infirmus habeat veram contritionem, & attendat Parochus ut securissima det consilia, occasionses proximæ peccandi omnino tollantur. attendat ad

52 PAROCHIALIS.

onus restitutionis parti offendæ, & pecuniae deponantur in manu alicujus tertij, quæ debent restituiri, etiamsi nondū sit causus resolutus. Si infirmus alicui inimico non vult dimittere, absolui non potest, & si vult absolui, ponat in scripto, & Sacerdos attendat ne Pænitens fallat. Si inimicus Infirmi vult deprecari & satisfacere, & Infirmus remisit odium, & non turbabitur aspectu inimici, poterit accessum Parochus permettere.

55. *Quoad testamentum* videat ægros Parochus, ut illud faciat, sed ita cautè, ne videatur aliquod commodum pro sua parte intendere. curet ut illud æger faciat in statu gratiæ, & pro securiori de gratia Dei, ratificet illud factum à confessione, si potest, quod cui debet restituire, id vivens faciat, alioqui peccabit mortaliter ad testamentum remittendo, cum in difficultates & dubium remittat. si desit Pars cui restituendum, deponatur id quod restituiri debet in manibus Proborum virorum, qui deinde quamprimum Parti restituent. Si Æger consulat cui sua bona inscribere debeat, dicat, quod Ecclesiæ & pauperibus, & residuum

cognatis; itē pauperibus caveat, omnimo-
do ne vide atur suum aliquod interesse
quærere, sed unicè salutem sui Aegri.

56) Errat Parochus si putat se officio
suo satisfecisse quòd ægro dederit Sacra-
menta, si de illo amplius iuvando non
sit sollicitus, nam ad hoc est obligatus
in hoc periculoso ægri statu; nisi hoc præ-
stiterint alij Sacerdotes. accedat tamen
ipse frequenter eliciendo actus fidei,
spei, contritionis. addat illi animas quæ
agant de misericordia Dei, & passione
Christi, orationes ex Agendis recitet
deuoté, quærat an alicuius peccati non
sit oblitus. aut loquatur de rebus alijs.
non simul totum dicat, sed per interval-
la, idq; blandè. si plures alij adsint, curet
ut tantum loquatur unus, & alij interim
orent. non adsit vxor, vel proles, aut
quos æger tenere amat & qui possunt
impedire dispositionem. nihil quod spe-
ctat ad altare ponatur ad ornatum de-
functi. nec semel sepultus transferatur
aliò sine licentia Episcopi. et debuit ca-
uere ne quis ægroto Sacrū oleū sine sua
det licentia, ita nec ipse inducat vel ali-
us ut in hac Ecclesia sepeliatur, sicut neq;

54 PAROCHIALIS.

viaticū det alter sine ejus licentia. Ex contractu accipere aliquid pro sepultura redolet Simoniam.

57. *Missas pro Defunctis* faciat Parochus ferijs secundis ut præcipiūt Rubricæ Missalis. nullus Sacerdos pro pluribus defunctorum Missis accipiat, quām ut possit explere. peccat enim mortaliter priuando interim animas gloriā & subsidio, nec pro una Missa duo integra stipendia accipiat: nec plus accipiat & alteri Sacerdoti Missam pro minori, comittat, & contraria doctrina est damnata sub anthemate. Anniversaria non fiant die Dominico, aut festo de præcepto, sed cū licentia Episcopi transferat vel anticipet

58. Non obliuiscatur *animarum in Purgatorio*. accipiebat ab illis dum vivebant in corpore decimas & alia, & fortasse aliquæ propter negligentiam, quam circa illas habuit, patiuntur, & illas commēdet suis Parochianis maximè affinib⁹ qui specialiter obligantur, & nullus est qui non possit illas iuvare per orationes, ieiunia, eleemosynas, auditionē Missæ & alia bona opera. recorden̄ur se post mortem in eodem statu futuros, & for-

te.

tè citò propter varios casus. Curet ut legata quamprimum exoluantur, & ad hoc invocet Episcopum.

59. Licet *excommunicati* & declarati, absoluti tamen in articulo mortis à Sacerdote possint in loco Sacro sepeliri, non faciat attamen id Parochus non consulto Episcopo aut ejus Vicario, ut procedatur juridice & declaratio fiat absolutionis, ut satisfiat Ecclesiæ in foro exteriori, & scandalum non fiat in populo. ex eoq; sumat occasionē non timendi censuras Ecclesiasticas. non sepeliat eos in Ecclesia qui mortui sunt in peccato publico non absoluti aut signis prævijs Pænitentiæ, etiam Hæreticos, Schismáticos, excommunicatos publicè, homicidas suorum ipsorum. pro abortiuis & sine baptismo mortuiis, habeat locum sepibus clausum extra cæmenterium.

60. Quod attinet instructionem populi, Trid. sess. 5. Cap. 2. de reform. Archipresbyteri quoq; plebani, & quicunq; Parochiales, vel alias curam animalium habentes, Ecclesiæ, quocunq; modo obtinent, per se, vel alios idoneos, si legitimè impediti fuerint,
die-

56 PAROCHIALIS.

diebus saltēt Dominicis, & festis solennibus, plebes sibi commissas pro sua, & earum capacitate pascant salutaribus verbis, docendo quæ scire omnibus necessarium ad salutem, annunciantoꝝ eis cum facilitate & breuitate sermonis, vitia quæ eos declinare, & virtutes quas sectari oporteat, ut pænam æternam evadere, & cælestem gloriam consequi valeant. id verò si quis eorum præstare negligat, etiam si Ecclesiæ quoquis modo exemptæ dicerentur, aut alicui Monasterio etiam extra Diæcesim existenti forsan annexæ vel unitæ modo re ipsâ in Diæcesi petierunt paucem, & non erat qui frangeret eis. Itaq; si ab Episcopo moniti trium mensium spatio muneri suo defuerint, per censuras Ecclesiasticas, seu alias ad ipsius Episcopi arbitrium cogantur, ita ut etiam, si illi expedire visum fuerit ex Beneficiorum fructibus, alteri qui id præstet, honesta aliqua merces persoluatur, donec principalis ipse resipiscens officium suum impletat. Idem Concil. sess. 22. Cap. 8. de Sacrificio Missæ. Et sess. 24. de reform. Cap. 7. Quæ diligens, Parochus relegat, quod valdè est necesse. Scripsi ego materiam Cathecheticam pro Concionibus Parochorum, & libello speciali publicavi.

61. In Concionibus doceat res necessarias ad salutem, quomodo populus debeat credere & vivere, quis fructus Sacramentorum. declaret Sacras cæremoniæ, denuntiet festa & ieiunia, Trid. insuper præcepit, ut se accomodet, captui populi, non nimis se diffundat, sed laboret ut intelligatur, unde omittat quæstiones difficiles & abstrusas, exponat clarè historiam Euangeliij. S. Franciscus ita suis Concionatoribus præscripsit. Concio rotis quatuor vehatur. reprehendat vitia, commendet virtutes, minetur pænas. commemoret præmia, omnia dicat ordinatè ut possint memoriâ retineri. sit sermo conformis Euangilio, nullam doceat doctrinam nisi quæ est recepta ab Ecclesia, nec dicat ea quæ ipse non satis intelligit. si in aliquo errauit in proxima corrigat Conacione. verba non affectet sed neque crassis utatur, à facetijs omnino abstineat. nec historias prophanas adhibeat nisi res exigat, adhibeat similitudines & exempla. non uno utatur tono. nihil dicat ambiguum, aut obscurum, nullam Personam in particuli tangat. Miracula sola recitet quæ

quæ recepta sunt ab Ecclesia. Iudicij
ultimi temp^o non determinet, sacerdotalium
statuta ex Cathedra non publicet, nec
indulgentias nisi ab Ordinario reuisas.
non cesseret inuehi in unum vitium, do-
nec illud extirpet. tum ad aliud progre-
diatur, & ita agat, ut non hominibus,
sed vitijs se ostendat infensum, & simul
ostendat charitatem, nec ullum sta-
tum reprehendat, multominus personam
designet. de peccato carnis ita loqua-
tur, ut non excitet cogitationes turpes.
Cogitet se in hac actione esse Legatum
Dei pro salute populi. Teneat bonam
vitam, oret, studeat.

62. Meminerit Concionator verbo-
rum S. Bernardi epist. 201. ad Bald.
Abbat. *Sermo vivens & efficax exemplum*
est operis facilè faciens suadibile quod dicti-
tur. dum monstratur factibile quod suadetur.
Meminerit & illius quod scripsit S. Gre-
gor. in Iob 6. Moral. 7. cap. 16. dicit
Iob. *Quare detraxisti sermonibus veritatis,*
cum è vobis nullus sit, qui possit me arguere.
In hæc verba S. Gregor. Mundus ipse de-
bet esse à vitijs, qui curat aliena corrigerem
ut terrena non cogitet, desiderius infimis non
suc-

succumbat , quatenus tantò perspicaciùs alijs
 fugienda videat , quantò hoc ipse per scientiam
 & vitam verius declinat , quia nequaquam
 purè maculam considerat oculus , quem puluis
 grauat ; & superjectas Sordes manus tangere
 non valet , quæ lutum tenet . S. Chrysost.
 dum ista verba considerat . Vos estis sal
 terræ , vos estis lux mundi ita in hom . 15 . in
 S. Matth . loquitur . Prius sal posuit , de-
 inde lumen , ut discas quantum sit verborum
 uentium beneficium , quantumq; commodum
 honestæ veræq; doctrinæ , hæc siquidem strin-
 git animos , facitq; attentiùs ad lumen virtutis
 aspicere , ad quam velut apprehensâ manu
 pertrabit audientes . qui male vivit , sua
 bona verba corrumpit , imò sibi ipsi
 pudorem infligit , nec facile tali Deus
 cooperatur , S. Greg . 31 . Moral . Cap . 21 .
 in illa verba Iobi . Nunquid præbebis equo
 fortitudinem , aut circumdabis collo ejus hin-
 nitum ? ita habet : Hinnitu vox prædicatio-
 nis exprimitur . verius autem quisque Prædi-
 cator ante fortitudinem & post hinitum acci-
 pit , quia cum prius in se vitiæ extinxerit ,
 tum pro erudiendis alijs ad vocem prædica-
 tionis venit , quia in Prædicatore nisi vita

*G*sermo convenerint, nequaquam virtus perfectionis apparebit. & in Ezech. hom. 16. Sermo dulcedinem non habet, quem vita superba intra conscientiam remordet. Hæc de vita Concionatoris.

63. Quantoperè verò in Prædicatore gratia requiratur patet ex eo quod dixit David. Peccatori dixit Deus, quare tu enarras justicias meas, *G*assumis testamentum meum per os tuum & primò, ut sibi & Auditoribus Deus det gratiam assumat mortificationem. Manus meæ distilaverunt Myrrham primam *G*c. Rupert. Abbas ita explicat lib. 5. Cap. 6. in Cant. Oportebat dare exemplum omnis mortificationis. *G*quia hæc carnis mortificatio propter Deum erat myrrha, dicitur probatissima, quæ non esset, si propter gloriam propriam, caro mortificaretur. Pessulum ostij mei aperui dilecto meo, id est clausuram oris mei, ut auditentes ædificantur: ut verò instantius oret, ecce præmium ostendit Sanctus Iacobus. Qui converti fecerit peccatorem ab errore vitæ suæ, salvabit animam ejus à morte, *G*operiet multitudinem peccatorum.

64. Non semper supra eundem locum
Evan-

Evangelij Concionetur. ne eadem dicat.
Notet sibi ordine , quæ legit supra hoc
ipsum Evangelium. Qui non didicit
Theologiam non intret materias difficil-
les ; quia nec illæ sunt ad plebem , nec fi-
dat in hoc alicui libro , quia fortasse il-
lum male intellexit. Si casum aliquem
vult explicare , adeat authores qui pro ,
& contra scripserunt , & tum quod est
certum pronunciet. In hoc laboret ut
extirpet vitia quæ sunt in ejus plebe. ex-
plicet ad quid status quilibet sit obliga-
tus, ad amorem Dei. ad pænitentiam ,
ad timorem judicij, ad spem in miseri-
cordia Dei, ad iuvandos pauperes. Li-
bros pro Concionibus necessarios ha-
beat: dedimus & nos luci Conciones
pro omni casu necessario Concionatori
in Polonia , quæstiones supra Evangelia.
Psalorum explicationem , & quædam
alia. Quod Auditoribus vult impreme-
re. hoc primum in seipso excitet. adno-
tat hoc S. Greg. in verba Ezechieliſ. Co-
mede volumen istud , & vade & loquere ad
filios Israel cùm dicit hom. 16. in Ezechi.
In verbis Sacri eloquij iste debet studij nostri

Ordo servari, ut hæc idè cognoscamus, quatenus de nostra iniuitate compuncti cognoscentes mala quæ fecimus, vitemus ne alia faciamus. Comede volumen istud, & vade & loquere filijs Israël, ac si de Sacro cibo diceretur, comede & pasce, saturare & erueta, accipe & sparge, confortare & labora. ut se ad hæc aptet, ita agat. nunquam Concionem alienam totam dicat, sed etiam ipse laboret. dicat ferventer S. Greg. 8. Moral. 16. *Ad supernum desiderium inflammare auditores suos nequeunt verba, quæ frigidio corde proferuntur. neq; enim res quæ in seipso non ardet, aliud accedit.* par de succursu Dei. dignatus ille ex rubo loqui, & ad nomen Ioannis solvere linguam Zchariae. non curet plausum alicuius quia non faciet fructum. Si per suas Conciones non videat populum emendari, non cesset, officium ejus est, Prædica verbum, opportunè, importunè. Bern. lib. 4. de consid. *Noli diffidere, curam exigens, non curationem. Audi, curam illius habe, & non cura, vel sana eum, verum dixit quidam non est in Medico semper relevetur ut æger. Paulus loquitur: plus omnibus laboravi, non dicit plus*

plus omnibus profui, Planta, riga, fac curam,
 & tuas explevisi partes. Sane incrementum
 ubi voluerit dabit Deus, non tu, Vbi fortè no-
 uerit, tibi deperit nihil. Reddet Deus
 mercedem Sanctorum suorum, securus labor
 quem nullus valet vacuare defectus a-
 licuius.

65. De Catechismo ita Concilium Late-
 ran. sub Leone X. sess. 9. statuit. Statui-
 mus & ordinamus, ut Magistri Scholarum, &
 Praeceptores pueros suos, siue adolescentes,
 ne dum in Grammatica & Rhetorica ac cæte-
 ris hujusmodi erudire aut instruere debeant,
 verum etiam teneantur ea, quæ ad Religio-
 nem pertinent, ut sunt præcepta Divina, ar-
 ticuli fidei, Diuini hymni & Psalmi, & San-
 ctorum vitæ, diebusq; festivis nihil aliud do-
 cere possint &c. Similia habet Trid.
 sess. 14. de reform. cap. 4. ubi hæc
 fieri in omnibus Parochijs præci-
 pit.

66. *Conversio Paganorū.* Si obstinatorū;
 in hoc Parochus ostendat, quòd dum
 illos visitat, veniat non pro converten-
 dis illis, sed suaviter alia agendo insinu-
 et illis fidem, ut intelligat cur nolit fieri
 Chri-

Christianus , & si in hoc sit obstinatus
aliâ vice redeat Parochus. si ille osten-
dat nolle se perdere suam salutem, osten-
dat illi misericordiam nostri Salvatoris,
qui illi offert salutem, & si illam repudia-
verit, vertetur ad justitiam in hoc et al-
tero mundo. & interea pro illo Parochus
oret ardenter , & hoc ipsum commen-
det illius Pagani custodibus , non tamen
ut illi faciant aliquam importunitatem ,
aut occasionem impatientiae. Si quis
velit converti , omnem illi ostendat a-
morem & adiumentum, & obtineat tem-
pus liberum quo cum illo Pagano possit
loqui , ita ut non audiant alij Pagani
quid cum ipso loquatur , caveat autem
ne contumeliosè tractetur imo specia-
lem erga illum ostendat affectionem , &
quòd per Baptismum ab omnibus libe-
rabitur peccatis. Interroget ab initio
ex qua sint terra , quomodo in manus
Christianorum devenerunt. & similia ut
ille Paganus aliquem affectum contra-
hat erga Parochum , linguam etiam illi-
us imitetur , & occasionem captet , ut
illi ostendat , quòd illum ex millibus eli-
gerit

gerit Christus, ut illi gratiam suam appetiat, ut inter Christianos salutem consequatur. & paulatim in hoc procedat. interea cognoscet an ille Paganus fuerit aliquando Christianus, quod in Turcis & Tartaris spectandum. tum querat. quare deseruerit fidem. si pro temporalibus, ostendat illi majora esse cælestia, doceat illum Pater noster, Ave Maria, Credo Decalogum. Symbolum, Sacra menta. ut sensum illorum capiat. & hæc ipsa recitat quotidie. & si erret subinde. Si linguam non intelligat Paganus, curet Parochus ut in domo illius nemo loquatur nisi communi lingua. quotidie fiat aspersio aquæ benedictæ. & oratio de genu coram imagine B. Virginis. tum doceat illum de mysterijs SS. Trinitatis. quoties profert SS. nomina toties caput inclinet, devotè. habeat etiam in domo Pagani Parochus talem, qui adiuvet in Catechismo. nec increpet si ille non capiat, ostendat autem id posse brevi ab Omnipotente Deo. doceat illum de cæremonijs Baptismi, sæpius in illo excitet actum doloris de peccatis. instruat de

Com.

66 PAROCHIALIS.

Communione , & de Baptismo , de Confessione , de Missæ auditione , de benedictione ad mensam & gratiarum actione , de conformitate cum voluntate Dei in afflictionibus . de examine conscientiæ , de usu signi S. Crucis : de oratione pro proximis , pro animabus in Purgatorio ; de indulgentijs , eleemosynis , jejunijs , de Concione , de adoratione S. Eucharistia , ut post mortale peccatum quamprimum eliciat contritionem .

67. *Nomina Parochianorum* in uno libro conscribat , & subinde consideret quibus quis obnoxius vitijs , quibus iuvari medijs possit . Hunc librum quovis triennio renovet , adscribat quando quis Confirmatus , quando communicavit . Visitet subinde suos , moneat , instruat .

68. *In his recurrat ad Episcopum.* Si in sua Parochia sunt superstitiones , concubinatus , usuræ , divortia . usurpatio bonorum Ecclesiæ , connubia in gradu prohibito , maleficia , graves inimicitia , falsa testimonia , si tributa exiguntur injusta , si omittatur communio Patchalis

Iis: si pia legata non redduntur, festa non observantur.

69. *Incarceratos* visitet frequenter. & hortetur ut exeant è carcere peccatorum, ostendendo quām sit gravis carcer inferni, orent, faciant generalem Confessionem, procuret illis aliquam imaginem Sanctam. aquam benedictam, recitent quotidie Coronam B. V. Litanias, & si fieri possit audiant Missam, commendēt se sancto Leonardo quia est protector incarcerateditorum. librum aliquem Spirituale legant. & aliquid laborent.

70. *Quo ad Scholas* advertat Parochus ut Magister sit veræ fidei, & bonorum morum, literas cum pietate doceat. visitet frequenter Scholam, doceatur timor Dei, castitas, devotio erga B. Virginem, Angelum custodem, recitentur frequenter coram pueris Sanctorum exempla, maximè Sabbato & in Vigilijs, imago aliqua Sacra sit in Schola. habeat aliquem Sanctum pro Patrono, & die illius confiteantur & communicent qui habent ætatem omni mense, audiant quotidie

tidie Missam. ante lectionem orent, & in fine, **caveatur** ne liber **inhonestus explicetur**, Sabbato discant Catechismum.

71. *Quod attinet Pauperes consideret Parochus verba S. Gregorij in glossa ord. in Cantic. 5. Qui ad solitudinem regendarum animarum se accingit, restat, ut quibus æterna prædicat, ad providenda quoque eis temporalium necessitatum subsidia invigilat.* quia obligati sunt ex charitate ad præstandum pauperibus aliquod solatum & remedium qui sunt non solum in extrema, sed etiam in graui necessitate, proinde cognoscere debet Parochus, si sunt in tali statu. præcaveat per monitiones ne ad talem statum deveniant, laborent iuxta suam conditionem, moderentur expensas, de cætero ipse præeat exemplo cæteris in illis iuvandis, & si est aliquod legatum pium, in illos convertat. commendet illos populis, & ostendat quod illis obligentur succurrere, quod si hoc non sufficiat, ipse Parochus pro illis mendicet adhibito aliquo teste, de hoc ipso Episcopum adeat tanquam

Patrem universalem. tum in hunc finem
enret institui Confraternitatem. Hoc
ipsum maximè circa Orphanos agat , &
doceat illos necessaria ad salutem. vel
Tutores de hoc moneat. Peregrinos li-
benter recipiat, quia ut docet S. Chrysost.
hom. 25. in Matth. *Qualem mercedem*
habet qui propter Deum peregrinatur , talem
habet qui suscipit peregrinum , & sunt ambo
æquales , videlicet qui propter Deum refrige-
rat , & qui propter Deum laborat. & dum
præbet cibum corporis , præbeat etiam
cibos animæ.

72. *Doceat modum Baptisandi* in neces-
sitate ne error committatur, nec per-
mittatur id facere, nisi quis a se priùs in-
struētus , & subinde illos interroget nè
fortè sint oblii terum substancialium , si
aduertat errorem , aut ejus periculum
prohibeat baptisare , & si contumaciter
peragant, moneat Episcopum aut ejus
Vicarium. *Pacem inter Parochianos* curet.
statim ut intellexit de inimicitijs , nam
hæ faciliùs ab initio sedantur. *Quidam*
odia regunt specie amicitiæ, talibus in
Confessione graues impoñat Pænitен-
tias

70 PAROCHIALIS.

tias, & si aliunde cognovit, graviter pro Concione in communi hoc peccatum reprehendat. Poterit adhibere verba Gen. ult. dicendo ea nomine Christi. *Pater tuus præcepit antequam moreretur, ut hæc tibi verbis illius diceremus, obliviscaris sceleris Fratrum tuorum, & peccati atq[ue] malitiæ, quæ exercuerunt in te. Nos quoq[ue] oramus vos, ut servo Dei Partis tui dimittas iniquitatem hanc.*

73. Si habet apud se Clericos. illos qui sunt in Minoribus, moneat ut singulis mensibus confiteantur, Subdiaconos ut decimâ die quinta Diaconos ut die octava hoc enim debitum illorum. Præscribat etiam quando suos Ordines exercere debeant, ut deinde possit de illis testari super hoc. Catechismum populo explacent. Nec scandalum aliquod faciant, aut vivant licentiosè, diebus festis assistant choro. Missæ, vesperis, de cætero in aliquo Collegio studeant Casibus vel Theologiæ. habitum & tonsuram defenant. Si Sacerdos non possit celebrare, communicet qualibet die quintadecimâ, & vitæ illius invigilet.

74. *Quoad Confraternitates*, attendat ut aliqua pia opera exerceant. non recipiat ad illas scandalosos, nec ante annos 20. completos. dum recipiuntur confiteantur & communicent. Adsit ipse Paroch^o electioni Officialium qui singulis annis reddant sui Officij rationem. Immobilia bona Confraternitatis non alienentur. Confiteantur Confratres singulis mensibus, principaliter die sui Sancti Titularis. Sciant doctrinam Christianam. Paschalis confessionis dent chartam suo Præfecto, & ille reddat Parochio. Adfint processionibus publicis. Quadraginta horarum aliquando faciant orationem. audiant Conciones. Instruant domesticos ea quæ sunt ad salutem, si aliquis cadat in grave peccatum publicum deleatur è numero Eratrum si monitus non se corrigat. odia inter Fratres componant. Hæ vel similes leges appendantur in sacello Confratrum. & in his juvetur Patochus à proprio Sacerdote Confraternitatis.

74. *Visitationes domorum* quæ in Polonia fiunt post novum annum, hoc modo in-

institui fructuosè poterunt. instruat antè populum Parochus quid hæc visitatio & benedictio sibi velit, hoc est, quòd illa Domus ab omni malitia dæmonis sit purganda. & ut Deus illis, qui visitantur omnem impendat gratiam spiritualem. & ut se præparent ad istam gratiam recipiendam non solùm per puritatem conscientiæ, sed etiam per emundationem Domûs, ab imaginibus turpibus, libris fædis, cancionibus inhonestis, tesseris, chartifolijs. quare circa hæc Patres-familias suas revideant domos, & disponant familiam ut confiteatur si proximè non est confessa, & devotioni & Sanctis operibus tempus impendant, etiam ad hunc finem Parochus Missam offerat, propterea intra unum diem non conetur hanc functionem expedire. Accedat cum superpelliceo & stola, Cruce, & Clericis, si quos habet, cum aqua benedicta, & moneat domesticos ut adsint omnes, oret, vel Litanias de B. Virgine dicat. nec minimam requirat eleemosynam, aut pro ea recipienda vas afferat, occurrat Parocho venienti Pater-familias

lias cum omnibus suis domesticis, oret interea devotè Parochus, pro illa familia. sed non accedat Domum, in qua est aliquis excommunicatus, aut fæmina infamis, concubinarij, usurarij, aut rei criminis publici, hortetur omnes ad bonam vitam, an sciant ea quæ sunt salutis, intelligat.

75. *E captivitate Barbarorū* reduces examinet bene, ne fortè habeant necessitatem se reconciliandi cum Ecclesia, non admittat facile testimonia illorum de morte aliorum captivorum. solent enim multa mentiri. videat ne habeant aliam vxorem viventem dum aliam volunt ducere.

76. *Zyngaros* examinet. An vivant Catholicè? an sint baptisati, & confirmati? an Matrimonium contraxerunt cum solennitatibus requisitis? an sciant necessaria ad salutem? An sint conjuncti in gradu prohibito? An fecerint Confessionem Paschalem? An jejunia juxta ritum Ecclesiæ servaverint? An in morbo communicaverint, & extremā unctione receperint? An illorū mortui sint cū cæ-
re-

remonijs Ecclesiasticis sepulti & An inter illos sit aliqua doctrina Hæretica , aut Schismatica . de his Officialem insruat Parochus. iubeat illos audire concionē, abstinere à latrocinijs, & inspectione manuum.

77. Denuntiet Parochus *jejunium*, *Quadragesimale* , & explicet conditiones quæ ad illud requiruntur. Quibus conceditur uti lacticinijs, non ideo possunt uti carnibus, & reliqua obseruentur, quæ alibi scripsimus de jejunio. *Quoad festa*, explicet sæpius obligationem illa celebrandi , & modum illa celebrandi. nec ulla indicat præter morem receptum.

78. *Opera servilia* diebus festis in his casibus potest permettere Parochus 1. Cùm pietas svadet , ut cum pauper Ecclesia ædificatur, ut convehantur lapides, vel ut egena Monasteria juventur. si in aliqua Ecclesia non possit nisi his diebus iuyare 2. Cùm necessitas urget, ut emere pro illa die cibos. cum opus Medicinâ & apotheca, pane, carne pro viatoribus, aut infirmis , venam aperire dare medicamenta , soleare equos cùm urge.

urget iter. deferre domum fænum pro animalibus. continuare iter. piscari, quando hi pisces non possunt capi nisi cælo tonante, & die festo tonat. 3. Utilitas, fænum colligere si timeatur pluvia, vel in alijs rebus damnum. sed tamen prius Missa audiatur. Alias non non licet servilia facere post medium noctem quæ præcedit festum. Prohibeantur mercatus publici, actus iudicarij, iuramenta, executiones civiles, incarcerationes, comædiæ prophanæ, apothecas aperire.

79. Obedientiam debet Episcopo Parochus,
Ratio est S. Chrysost. hom. 2. ad Tim.
4. Oportet naturales Patres affectu, & dilectione transcendere eum, qui Pater est animarum: sed & spirituales filios non segnius affici, quam illi sibi, necesse est. Obedite enim Hebr. 14. inquit Præpositus vestris, & subditi estote illis, scientes quoniam ipsi vigilant pro animabus vestris, quasi rationem reddituri. Nam dic oro ipse tanto periculo tui gratia subditus est, tu illi obtemperare detrides in ijs, quæ tibi utilia sunt, et si enim ille omnia sua ritè disponat, quamdiu tu minus

recte vales, angoris vacuus esse non potest, cùm duplex ratio ab ea sit exigenda. Iam verò considera, quantum periculi sit, per singulos Subditorum discuti, rationemq; pro omnibus reddere. Quantumvis illi honoris impendas, quantumlibet obsequij deferas, nihil his periculis refarre par illi poteris, qui animam suam periculo æternæ mortis deponit. Et contra, neq; ad verba illi subiici vis. Præterea cùm ordinaretur in Sacerdotem promisit soienniter Episcopo obedientiam, & cùm teneret suas manu in Episcopi manu tacitum fecit iuramentum.

80. *Baptisati nomen* scribat in libro & Parentum ejus nomina & cognomina, si Infans sit illegitimus scribat quòd sit Patris & Matris incognitæ, vel ut est mos. Si Infans domi baptisatus, scribat quòd illum exorcisaverit & baptisaverit, & qui Patrini istis cæremonijs interfuerunt. *Pro Confirmatione* scribat, talis & talis illam recepit à tali Episcopo in tali Ecclesia in tali ætate & Parochini isti fuerunt tenentes, similiter de *nubentibus Copulati* sunt in tali Ecclesia, tali

tali die, cum talibus testibus; factâ inquisitione non est repertum impedimentum, & consenserunt mutuò. *Mortuos* etiam conscribat, tali die decessit N. N. sepultus in tali loco, decessit cum omnibus Sacramentis, per me Parochum, & fecit testamentum coram Notario N. adscribantur ibidem & legata pia si quæ fecit. Annotent etiam *excommunicatos* & ob quam causam.

81. *Sacristiani Officium est custodire Ecclesiam, Sacristiam, res omnes Sacras mobiles, ornare altaria & exponere ea quæ sunt ad illorum ornatum suo tempore.* Statim atq; hoc acceperit Officium faciat inventarium & præsentet Parocho, atq; id singulis mensibus faciat, & denotet si quid accessit, pullet campanam pro *Angelus Domini*. Videat ne aliquis pro nocte intra templum se abscondat, & hoc ipsum videat dum templum manè aperit. post Missas absolutas claudat templum, & nonisi pro vesperis aperiat, nisi populus habeat causam convenienti. attendat ne res aliqua ipsi commissa destruatur. ne ali-

quis fur subintret. sit in Sacristia silentium. nec in ea confessiones audiantur nisi Clericorum & virorum singularium, vulgus autem non admittat. prohibeat ne ulli fiant clamores aut tumultus, canes è templo expellat, intra cancellos altaris laicum non admittat, nec ad Confessionalia. tempore Divini Officij non in Sacristia sed in Ecclesia moretur indutus superpelliceo nec sine eo quidquam faciat circa altare in quo expositū SS. Sacramentū nec cū superpelliceo exeat ad plateam; si non est in Sacris nō tangat calices, patenas, corporalia, purificatoria nisi per strophiolū. Dū transit SS. Sacramentū in unū genu procidat, ante alia altaria caput inclinet, interrogantibus se svaviter satisfaciat, sed brevi responso. Ignotos Sacerdotes ad Missā non admittat sine testimonio. Cūm petitur Missa pro aliqua necessitate referat Parocho, & libello inscribat, & ubi satisfactū, apponat notā. Lāpas semper ardeat antē SS. Sacramentū. Describat nomina Sacerdotū, ut sciat qui iam celebrarunt & qui celebraturi sunt. Missæ plures non

celebretur simul, nec in vicinis sibi altaribus. Quando disponit casulas, supra quamvis ponat manipulum, stolam, cingulum, albā, humerale, ad partē Missale & superpelliceum pro ministrante.

82. In altari sint candelæ, crux in medio, puluillus, sit prope parva campanula, sit manutergium, sit in altari tabula cum Canone. In Sacristia sit vas pro lavandis manibus, mundi sint urceoli, vinum etiam servet in vase mundo & clauso, antequam Sacerdos prodeat ad altare accendat candelas. sit mappa pro communione. Vespere interroget Sacerdotem in quo altari velit celebrare, cū vadit attendat ut fimbriæ descendant æqualiter, sed non radant terram ut fiat satis obligationi in quovis altari, tempore humido hostias in loco sicco habeat, pro concione pulset, hostias quovis decimoquinto die renovet. mittat in cribrum ut fragmenta abscedant, & illo cribro ad nihil aliud utatur. Post Missas tegat altaria, & si opus claudat templum, mundet candelas, nec eas deponat in altari, evacuet urceolos & lavet

& exficcat. apparatus componat ; calices loco debito reponat. antequam incipiat officium appara menta altaris si opus, mutet ante vespertas. quælibet res suum habeat separatum locum, caveat ne aliquid malum odorem contrahat. habeat atramentarium pro notandis necessarijs, & librum Spiritualem quo se occupet, habeat cistulam pro elemosynis, sed apud Parochum sit clavis. Sit pavimentum mundum, altaria ornata.

83. *Mundities circa Sacra* in his consistit. Ut Ecclesia bis in anno munderetur à summo ad imum, à pulvere & telis aranearum, & hoc ipsum fiat circa faciem Ecclesiae, mundando alis vel caudâ vulpinâ eminentias, vel fiat per homines huic asyatos operi, & hoc fiat circa res pictas vel inauratas ; vas aquæ benedictæ, sepulchrorum monumenta, altaria, superficies Sacrarij, vasa quæ serviunt pro ablwendis manibus Sacerdotum, res quæ sunt ex lapide in Ecclesia vel Sacraria, res aliæ laventur aquâ cum arenâ, aliæ cum aquâ & cinere, reliquæ politæ eo modo laventur quo la-

Iavatur crystallus vel vitrum. anguli omnes purgentur, & eadem diligentia fiat in Sacristia. mundentur etiam res factæ de ligno, sedes, pulpita; candelabra chori, lampades, confessionalia, imagines, pavimentum templi & Sacristiæ quâvis septimanâ purgetur, pes altaris, portæ Ecclesiæ, aspergat autem aquâ ne se pulvis elevet, sed leviter. et ad hoc instrumenta habeat sacristianus in loco separato. pavimentum etiam quovis anno bis munderur. spatium ante Ecclesiam purgetur ante festa solennia, neq; in illo permittantur aliquæ herbæ crescere. pavimentum campanilis quovis mense purgetur, armaria verò Sacristiæ quovis mense bis in anno tempore sereno nudentur altaria post Missam. Quando mutat mappas altaris, etiam mundet lapidē. Omni mense purget caudâ uulpis imagines, armaria in quibus sunt urceoli die mundentur octavo, vasa argenter non manu nudâ sed per strophium tangantur. Imagines omni mense detergat caudâ vulpinâ & earum ornamenta, tabernaculum, & si-
mi-

milia. Armarium in quo servantur urceoli die quovis octavo purgentur. cum mundat vasā inaurata, caveat ne detergat aurum. lateres etiā altaris curabit eluiaquā tepidā intra dies quindecim. & aqua in Sacramentū effundatur, linteum quæ serviunt cultui DEI separatim ab alijs laventur. &c &c.

84. *Necessaria ad altare.* sunt Crucifixus, candelabra, tabula cum Canone corporalia aliquot, mappæ magnæ quartuor. antependia pro quinq; coloribus, pannus quo tegatur altare post Missam, & alter pro gradibus altaris. *Ad Missam.* Humerale, Alba, Cingulus, Manipulus, Stola, & casulæ pro quinq; coloribus, hoc est, Albo, nigro, rubro, viridi, violaceo. *Pro ministrantibus solenniter.* Pluvialia, Humeralia, Alba, Cingula, Dalmatica, Manipuli, Stola, velum pro Subdiacono in quo tenebit patenam & portabit calicem, pro alijs superpellicea.

85. *Pro Sacramentorum administratione necessaria sunt.* Velum pro pixide, pixis, una quæ in ciborio maneat, altera in qua deferatur ad ægrum Eucaristia, laeternæ, candelæ, campanula, mappa,

cru-

crucifixus qui possit ad infirmum portari
tria vasa cū Sacris oleis, bursa pro infir-
mis cū patena, purificatō corporali.
Pro Baptismo, sal in vase ligneo, vas quo
ex ipiatur aqua defluens è capite bapti-
fati, linteolu quo ejus caput abstergatur.

86. *In Sacristia sunt necessaria.* vas mun-
dum pro aqua benedicta, aliud pro la-
vandis manibus & manutergia, vascu-
lum pro hostijs, & aliud pro communi-
catorijs; vas pro lavandis calicibus, pa-
tenis, purificatorijs, & corporalibus.
Armarium in quo serventur calices, pu-
rificatoria, corporalia, aliud in quo ser-
ventur vestimenta, aliud in quo ferrum
pro hostijs faciendis, & pro scindendis
maioribus & minoribus, mappa, supra
quam locentur calices. oratorium, tabu-
lae cum orationibus ad Missam præpara-
torijs & gratiarum actorijs. Tabella in
qua sunt inscriptæ reliquiae hujus Eccle-
siæ, altera in qua indulgentiæ, in alia de-
scribantur quâ horâ quis Sacerdos cele-
brare debeat, in alia obligationes Anni-
versariorum, in alia quâ die quis debeat
celebrare in quo facello, notet etiam
qua

quâ die sunt renovati Communicantes; sit tabula Bullæ Cæna Domini. Casus Papæ & Episcopo reservati.

87. *Libri ad Ecclesiam pertinentes.* Breviarium, Diurnale, Psalterium, Antiphonarium, Graduale, Missale. Officium mortuorum. liber baptisatorum, & aliis Confirmatorum, contrahentium Matrimonium, De statu Parochianorum, De bonis immobilibus Ecclesiæ, Sacellorum, Oratoriorum, Capellarum. Liber excommunicatorum & absolutorum. Concilium Tridentinum, Catechismus, Synodi. Inventarium Sacræstie.

88. Scribit Thomas Cantipratensis Episcop⁹ in hæc fecit verba. Anno 1238. fui Parisijs ubi munus Episcopale loci illius obtinebat Guilhelmus, qui antea profess⁹ fuit Theologiam, hic omnes Theologiae Doctores convocavit ad Capitulum Fratrum Prædicatorum (nam de illo Ordine ipse fuerat) ibi proposita est quæstio de pluralitate Beneficiorum Ecclesiasticorum. multa & longa fuit de hoc materia in utramq; partem disputatio, &

tan-

tandem conclusum, quod nemo salvâ conscientiâ possit plura retinere Beneficia, imò nec duo, si unum habet in redditibus 15. libras monetæ Parisiensis, hoc est quod sufficit ad sustentationē. Tribus annis antè, fuit adhuc magis longa, & exæcta de hoc ipso disputatio, in qua omnes fuerunt Doctores Theologiæ & circa hoc ipsum eodem modo determinaverunt excepto Doctore Philippo Cancellario vniuersitatis Parisiensis & Doctore Arnoldo qui postea fuit Episcopus. Ecce quid Philippo accedit; morbo corruptus agonisabat, Guilelmus de salute ægri sollicitus accessit illum interrogando; an velit à sua sententia recedere de pluralitate Beneficiorum, & cum tenueret plura, an solo uno contentus esse vellet cæteris renunciando. insuper illi promittebat Guilelmus, si Philippus de illo morbo convalesceret, daturum se illi de suo quantum per illam resignationem amisisset. sed non admisit Philippus & sic dicendo se velle experiri, an pluralitas Beneficiorum sit causa damnationis, expiravit. Post paucos di-

es cùm Episcopus post Matutinum vellet orare, eaq; de causa lumen haberet, videt ante se umbram hominis turpissimam, facto signo S. Crucis interrogat, an hic, qui illi apparet, sit in via salutis, respondit umbra, sum à Deo abjectus ad hoc Episcopus. Quis ergo es tu? Ego sū Philippus Cancellarius infelicissimus. Ad hoc Episcopus, quomodo hoc: quis est status tuus? Umbra, manus imò pessimus, quia sum condemnatus ad mortem æternam. Episcopus, dic mihi causam tuæ damnationis? Respondet umbra. tres sunt cæsæ meæ damnationis. Prima, quia fructus meorum Beneficiorū parcâ manu pauperib⁹ cōmunicavi. Altera, quia contra opinionē plurimorum defendi licitam esse pluritatem Beneficiariorum. Tertia gravior & turpior alijs, vitium carnis, in quo cum scandalo hæsi multo tempore. quod dicto, interrogauit Episcopum, an mundus iam fuisset finitus? Miror, quod tu cùm sis homo tantoperè doctus, hanc quæstionem facis, videndo me esse vivum, & sciendo quod ante finem mundi omnes

omnes sint morituri. Vmbra ad hoc.
Non mireris, quia , nec scientia, nec opus,
nec ratio est apud inferos. & hoc dicto di-
sparuit. Narravit hoc factum suis Cleri-
cis Episcop⁹. Simile ibi alterū refert de a-
lio qui ideo damnatus quia duo habuit
Beneficia , idem Thomas Cantipratensi
Ord. Præd. Episcopus Suffraganeus Ar-
chiepiscopi Cameracensis , fuit cum S.
Thoma Aquinate discipulus Alberti
Magni.

89. De *residentia* hæc appono ex Bonacinae speciali de hoc tractatu qui suā di-
cta munit pluribus DD. probatis , Resi-
dere est consistere in loco in quo quis ha-
bet beneficium. vnde qui in eo non ha-
bitat vel ab eo procul. non residet. vnde
Parochus non residet si à Parochiæ ter-
minis ideo distat ut Parochianis
ad illum sit difficultis aditus, pro neces-
sitate Spirituali & Sacramentis quia non
inter fines est ita quos propter residēdū
est. Duæ Parochiæ unitæ sunt per modū uni-
us. Obligantur ad residendum omnes
qui onus per seipso exercere tenentur.
Qui non exercet curam etiam si in Paro-
chia

chia maneat non censetur refidere , perinde enim ac si non resideret , unde etiam fructus tenetur restituere , nec satisfacit si residens per alium curam exerceat , quia hoc est onus personale Parochi , sicut etiam non potest per alium orare Breviarium , quia ipsi & non alteri cura commissa . unde si omnem curam per alium exercet , graviter peccat .

90. *Iure naturali tenetur Curatus resi-*
re in loco Beneficij, Quia qui suscipit
Officium tacite se obligat ad onera offi-
cij. Etiam jure Divino ut patet ex Trid.
sess. 23. cap. 1. Cum præcepto Divino man-
datum sit omnibus quibus cura animarum com-
missa est , oves suus agnoscere , pro his Sacri-
ficiis offerre , verbiq[ue] Divini prædicatione ,
Sacramentorum administratione , ac bonorum
omnium exemplo pascere. Sed si præcep-
to divino obligatur ad residentiam ,
quomodo circa illam aliquando dispen-
satur? Papā posse dispensare in ijs quæ
sunt formaliter de jure Divino vel natu-
rali , sed radicaliter & fundamentaliter
pendent ab Ecclesiæ institutione. ita se
habet residentia , quatenus facta est ab
Eccle-

Ecclesia Beneficiorum divisio & quilibet suo Beneficio deputatus est, quantum Beneficiarius pactum iniit cum Ecclesia, quod pactum subest potestati Ecclesiæ. Sed dices. Parochus recipit Parochiam ab Episcopo, ergo & præceptum residendi, & non à Deo, ergo etiam adnexam Parochiæ residentiam.

¶. Acipit beneficium ab Episcopo, ideo non est de jure divino, ut hic Petrus sit Parochus, sed ea quæ sunt huic Beneficio adnexa sunt de jure diuino. quippe quia adit hæreditatē jure humano, sed de jure altiori tenet debita & pia legata illi adnexa solvere. Si Parochus ultra bimestre codem anno sive continuatum, si-interruptum abs fuerit sine causa ab Episcopo approbata pro rara absentia frustus non faciat suos, nisi subita exeu-set necessitas. si tamen hoc fiat sine damno ovium, tenetur enim interea substituere idoneum. & potest Episcopus prohibere Parochio, ne vel per biduum absit, sed excommunicare illum ideo non potest, quia hæc absentia levis. ita

DD.

91. Parochus graviter peccat si non
resideat, quia in re gravi contra præce-
ptum grave peccat. Præterea Trid-
sess. 23. cap. 1. de Reform. non residen-
tes, quodsi per edictum citati, etiam non
personaliter contumaces fuerint, liberum esse
vult Ordinarijs per Censuras Ecclesiasticas
& sequestrationem, & subtractionem
fructuum, aliaq[ue] juris remedia, etiam
usq[ue] ad privationem compellere. Violat
& ius naturæ, & Divinum, Ecclesiasti-
cum si non resideat. Residentiæ nomi-
ne duo veniunt, sit in loco, & ut opere-
tur & si posterius præstare non possit
per se, curet per idoneum, qui ijsdem
pænis subiacebit, si non residerit. restitu-
tio facienda pro fabrica Ecclesiæ, vel
pauperibus. & hoc ante judicis senten-
tiam. quia ita Trident. clarè, nec tutâ con-
scientiâ, alia etiam declaratione non seqvuta
(fructus) illos sibi retinere, sed teneri illos
fabricæ Ecclesiarum, aut pauperibus loci ero-
gare. Sed hanc pænam non incurrit qui
solum bimeiri abest. Si absit plus quam
trimestri ob causam ab Episcopo proba-
tam. facit fructus suos. sed habeat sub-
stitutum

stitutum eum portione congrua. sed non sufficit tacita vel præsumpta licentia, nisi sit casus repentinus & periculum est in mora. sed tamen quando primùm poterit petat licentiam. Qui Religionem ingreditur habens Beneficium potest ex eo fructus percipere quamdiu est novitus, dum habeat substitutum.

92. *Quatuor sunt causæ propter quas concedi potest absentia à Parochia.* Christiana charitas, urgens necessitas, debita obedientia, & evidens Reip. necessitas. ita Trid, sess. 24 cap. 12. Parochus in conscientia tutus, si non residet ob ini-
micitias cum periculo vitæ, substituto alio & Episcopo consentiente. Simili-
ter qui consentiente Episcopo non po-
test residere, ob morbum non perpetu-
um, ut curretur, ob perpetuum verò non
excusatur, si aliquomodo possit officio
suo satisfacere, idem de sene, sed ha-
beat substitutum assignatâ illi congruâ
portione. Quod attinet pestem, vide-
antur Doctores S. Congreg. Card. teste
Garzia num. 108. causam studij non ex-
stimat hoc tempore sufficientem ut Pa-

92 PAROCHIALIS.

rochus studij causa abesse possit. quare si absit non facit fructus suos, quia nullus hoc tempore ad Parochiam admittitur, nisi per examen idoneus repertus fuerit. licentia absentiae debet in scripto ab Episcopo obtineri, quia sic prescribit Trident sess. 23. cap. 1. de reform. quare verbo data non sufficit, nec defendit ab amissione fructuum.

93. *Quarta funeralis de cera* debetur illi Ecclesiæ in qua quis de jure sepeliebatur erat, quia illa ipsi Sacra menta administrabat. quare si quis ante mortem domicilium mutavit quarta non debetur priori Parochiæ. Parochus si suum Parochianum inducat ut in suo templo sepeliatur. docet Bonacina quod nullam incurrat censuram. cæterum licitum est cuique eligere sepulturam ubi vult. In dubio autem presumitur ibi tacite elegisse ubi ultima percepit Sacra menta. *c. 6. quis qui de Sepul. in 6. sed Minorennes & Regularis non possunt sibi eligere sepulturam.* Quicunque; præter Parochium proprium Clericus inducit aliquem ad eligendam in sua Ecclesia, vel non ad

im-

immutandum electam, incurrit excommunicationem ipso facto Papæ reservatam. *Clem. fin. de pænit. §. si II.* & tenetur restituere cadaver si petatur, & omnia quæ occasione ejus sepulturæ ad ejus Ecclesiæ pertinent, alioqui Ecclesia illius cum cæmeterio manent sub interdicto Ecclesiastico.

94. Parochiæ plures non possunt unius commendari, nec una ultra sex menses. *de elect. in 6. c. Nemo.* Cùm Parochia vacat statim ab Episcopo provideri debet de Vicario cum portione congrua. *Trid. sess. 24. de reform. c. 18.* Collatio Parochiæ sine examine est nulla. *Pius V. constit. 33.* Duæ Parochiæ eidem commendari non possunt, nec una legitimam non habenti ætatem. *De elect. in 6. c. Nemo* Parochus fieri non potest homo avarus & rapax. *Conc. Paris. 4. l. 1. c. 25.* nec potest fieri qui nescit latinè loquì. *Conc. Tolet. 19. c. 20.* nec qui nondum habet annos 25. *Conc. Later. 3. c. 73.* Si præfixo tempore non ordinatur, est removendus. *Trid. sess. 24. de ref. c. 12.* intra annum deberet ordinari in Præsby-

terum, alias deponatur, & si anno clapsō
non fecerit, non potest iterum eligi. *de
elect. cum cunctis. S. inferiora.* & nisi ordi-
netur, tenetur ad restitutionem fructu-
um. *ibid.* Non potest esse simul Archi-
diaconus. *Honor.* III. Parochis imperitis
dandi sunt Coadiutores. *Trident. sess. 21.
de reform. c. 6.* Parochus non potest du-
as simul habere Parochias. *Later. 3.c. 13.*
nec potest acceptare secundam nisi relin-
qvat primam. *De præbend.* Non potest
per alium gubernare Parochiam, sed per
se, *Later. 4. c. 32.* In necessitate potest
Episcopus dispensare in residentia **cum**
Parocho ad bimestre sed in scriptis, ul-
tra bimestre debet esse causa gravis. *Trid.
sess. 23 de refor. c. 1.* & debet dari Vicarius
substitutus. Cum sponsi sunt ex diver-
sis Parochijs, in utraq; bannæ procla-
mentur, & requiritur licentia alterius.
Trid. Assistens Matrimonio in tempore
indebito, vel non in Ecclesia post Mis-
sam, suspenditur ab Officio. non potest
interesse Matrimonio hominis vagi sine
licentia Episcopi. *Trident. sess. 24. de
reform. cap. 7.*

95. Parochus tenetur ad reparationem Ecclesiarum *Later.* 3. Tenetur die Dominico annuntiare festa & ieiunia. Trident.

25. docere levantes in Baptismo quam contrahant cognationem , scribere eorum nomina , interrogare eos quæ ad eos spectant, quos eligant ad tenendum, si enim alij præter eos tenent, non contrahunt cognationem. *Trid. sess. 24.* de reform. c. 2. tenetur docere quibus temporibus fieri non possunt Matrimonia. *Iqid.* tenetur docere pueros doctrinam Christianam *ibid. c. 4.* Non potest absolvere à casibus Episcopo reservatis. *Conc. Raven.* c. 8. Tenetur quolibet anno scribere nomina eorum qui ad annos discretionis perveniunt, ut sciat qui confessi sunt. *Conc. Tolet.* 19. c. ult. Non potest Parochus aliquid exigere pro collatione Sacramentorum, vel alio Spirituali sub pena suspensionis ab officio, nisi sponte sit oblatum. *Conc. Colon.* 2. p. 8. c. 1. Tenetur intra duos Menses à die institutionis emittere professionem fidei in manu Episcopi aut Vicarij , & iurare quod stabit sub obedientia Ecclesiarum Ro-

manæ. *Trid. sess. 24. de reform. c. 12.*
 Tenetut iurare in manu Episcopi quod simoniam non commisit in adeptione Beneficij, & quod à Patrono habuit sine dono, pacto, promissio. quod beneficium illud curatū habeat quod sufficit ad sui sustentationem. *Conc. Mogunt. 4. c. 68.* Tenetur per seipsum immediatè exercere suum munus & officium, scilicet cantare Missam &c. sub pæna privationis. *Trid. sess. 22. de ref. c.* Tenetur concurrere ad fabricam Ecclesiæ propriæ. *Con. Aurelian. 4. c. 25.* Non potest Ecclesiæ censualem reddere ullo modo sine licentia Episcopi. *Conc. Later. de pact. c. 9.* Tenetur habere exempla, scripturas, & instrumenta de bonis, & redditionibus Beneficij. & debent esse duplicata, ita quod unum sit apud eū, aliud in archivo Cathedralis, *Concil. Mediol. I. p. 2. ut.*

96. Non potest Parochus sui Beneficij fructus dare consanguineis aut familiaribus, sed tenetur dare pauperibus. *Trid. sess. 25. de refor. c. 5.* Tenetur exercere hospitalitates. *Ibid. c. 8.* Tenetur satisfacere oneri Beneficij, alias non facit

cit fructus suos, & sacrilegus est. *Meditol.* i. p. 2. Domus dotales Beneficij, feuda, & possessiones restaurari debent à possessore beneficij. *In reform.* *Cler.* *Germ.* c. ii. Beneficiatus inveniens debita & legata Prædecessoris, tenetur ea solvere cum fructibus inexactis, si per alia bona solvi non possunt. *Iulus* 3. *constit.* 7. Non incedens in veste decenti post monitionem Episcopi, est privandus beneficio. *causa* 21. q. 4. c. ult. Non potest per alium supplere residentiam, sed per seipsum tenetur residere *Conc.* *Mogun.* 4. c. 71. Fructus non residentis applicandi sunt fabricæ Ecclesiæ vel pauperibus. *Ibid.* sed non residens propter servitium Ecclesiæ censetur esse præsens, & percipit fructus. *Conc. Constantien.* *sess.* 29. Substituens se in examine pro Parocho incurrit excom. & omnibus beneficijs privatur, & hoc ipso facto. *Paulus IV.* *Constit.* 12. Parochiam possidens pacificè per triennium, dummodo illam non habuerit simoniacè, neq; sit intrusus, non potest ab aliquo molestari super illa. *Vrb.* 8. *constit.* 6. Beneficium unum

nnū habens sustentari quo possit, non potest retinere aliud. *Trid. sess. 64. de reform. c.*

17. Dispensatio facta pro secundo Beneficio non facta mentione primi, nulla.

Later. 3. Beneficia plura quām duo haberi non possunt *Later. 5. sess. 9.* & si plura sint incompatibilia, omnibus est privatus ipso iure. *Leo X. Constit. 7.* Beneficium impetrans cum pacto ut alius post mortem ejus succedat, nulliter impetrat. *Extrav. de pactionibus c. 8.* Similiter qui impetrat cum pacto augendi pensionem. *Later. 3. in appendice de pactionibus 92. c. 8.*

97. Beneficium impetrans Vicarius perpetuus, si habet unde vivat, & non facit mentionem de Vicaria perpetua, nulliter facit. *de rescr. cap. Postulasti.* Fingens se Clericum cùm non sit, nulliter impetrat, & tale beneficium potest conferri alteri *De transact. c. ex literis.* Beneficium curatum impetrans à Papa, si tempore datae non habet ætatem, nulla est impetratio. nec tunc, nec pro tempore, quo eam habebit. *De rescript. in 6. c. Si eo tempore.* Sed non curato frui po-

poteſt quando habet ætatem. *Ibid.* Illud
procurans quod per coaſtionem & vim
Principum &c. quis renunciavit, nulli-
ter impetrat. excommunicationem in-
curret, ipſo factō privatur obtento, & si
habet alia privatur fructibus eorum per
triennium. *Clement. de pænis. cap. multo-*
rum: Obtinens ad preces hæreticorum.
favorum &c. nulliter obtinet, & ipſo
factō privatus eſt obtento. *de hæret. in 6.*
c. qvicunq; ad hæc. Impetratio non fa-
ctā mentione possessionis alterius colo-
ratiā, eſt nulliter. *de concess. præbend. c.*
cum nostris Qui potest Parochiā conſerere,
non potest ſibi illam retinere. *De ex ex-*
cessib. Prælat. c. ad aures. Impetrata Paro-
chia ab abſente eſt valida. *De præben. c.*
Accedens. Qui obtinet à Patrono abſq;
legitima præſentatione, ipſo factō eſt illā
privatus, & Episcopus potest alteri con-
ferre. *Colonien. 3. & de altero modo c. 10.*
Obtinens alterius quod ipſe tenebatur
dimittere. nulliter obtinet. *De præbend.*
in 6. c Si beneficia. Impetrari non potest
à Iudice vel à cognato Iudicis in cauſa
pertinente ad privationem Beneficij.

Pius 4. constit. 11. Impetrans tenetur exprimere quod in mense Papali vacet.
Urban. 8. constit. 6. Impetrans per mortem alicuius, si ante mortem illius obtinet, vel ante tempus quod erat necessarium ut de loco mortui veniret nuntius, nulliter impetrat. similiter si obtineat alicuius senis tanquam collitigans. aut si impetrat vacaturum ob privationem ex delicto. si impetrat ante sententiam nulliter impetrat. *Ibid.*

98. Parochia non potest obtineri cum pacto dandi partem fructuum praesentanti, alias ipso facto privatur beneficio & officio donec a Papa dispensemur. *Conc. Germ. 1. c. 10.* Nec potest conferri cum pacto, ut recipiens, ad nutum dantis possit renuntiare *Mediol. 1. p. 2.* Pro Parochia litigiosa potest fieri amicabilis compositio. *De transact. super eo.* Non potest obtineri per obsequium alteri praestitum, alias est Simonia. *De Simonia cap. cum essent.* Nec solvere potest laicis, licet sit fundatum a consanguineis eorum. *Conc. Claromont. c. 6.* Si praesentatus solvat praesentanti nulla est praesenta-

tatio, & nunquam præsentari potest ad alia sive in hac sive in alia Ecclesia. *Conc. Sabinen.* c. 20. Parochiam dantes, vel præsentantes, nihil possunt à Parocho accipere, neq; ab ejus ministris & qui sic accipit beneficium, fructus non facit suos. præsentans verò privatur iure præsentandi. *Conc. Mediol.* I. p. 2. Parochiam obtinens ex præsentatione debet docere quòd fructus illius sufficiant ad ejus sustentationem, & quòd omnes fructus obtinuerit à Patrono, vel alijs, alias nulla est collatio, & ipso facto privatus est beneficio. *Mogunt.* c. 68. Beneficia vacatura nec dari validè possunt nec promitti. *Trid. sess. 24 de reform.* c. 19. Beneficia cum jure patronatūs nunquam uniri possunt. *Trid. sess. 25. de refor.* c. 8. Parochiam perdit qui propriâ authoritate illam permuat. *De rerum permut.* c. Cum olim. & ob permutationem resignata non potest alteri conferri quām permutanti. *Clem. de rerum permut.* c. unico. Renuntians non potest illam repetere. *De renunt.* c. ex transmissa nisi id fecerit ex metu damni imminentis. *De his quæ vi*

& meru. ad audiencem. Renuntiatio facta in manu laici, non tenet. de renunt. c. in dubijs sicut & facta a spoliato. De restit. spoliat. c. sollicité. Potest quisq; beneficio suo renuntiare. De criminis falsi c. finali. etiam per Procuratorem. Clement. de renunt. c. unico. Parochiæ renuntians propter simoniam, si reassumitur. non potest ex vi primæ electionis aliquid sibi vendicare. De Simonia c. ex insinuacione. Qui cogunt ad renunciationem incurruunt excommunicationem. Clem. de paenit. c. Multorum. Renuntians nihil potest pro se retinere vel recipere a substituto. Oxon. 1. c. 4. Si renuntiatur Parochiæ iuxta totum renuntienda est. Oxon. 1. c. 4. Non potest renuntiari Beneficio ad quod ordinatus nisi habeat unde vivat, & in resignatione facienda est mentio, quod sit titulus suæ ordinatio- nis. Trid. sess. 21. de reform. c. 2.

99. Non potest resignari Beneficium in favorem alterius, sed in manu Ordinarij resignandum. Later. 3. Magno labore acquisitam non presumitur sponte resignari. De resignat. c. Super hys. nec-

fie-

fieri potest ad intuitum resignantis, nec Consangvineorum ejus, neq; Episcopi, sub excom. Papæ reseru. & collatio est nulla. *Pius V. Constit.* 58. nec potest renuntiari Filio. Renuntians si est absens, per Procuratorem tenetur consentire & jurare. Pro Beneficio litigioso nihil solvi potest ad redimendam vexationem. *De consecr. cap. super eo.* Beneficium pacificè possidens per triennium, dummodo simoniae non habuerit, vel se non intruserit, non potest molestari super eo & impetrations factæ ab alijs sunt nullæ, & lites motæ super ijs sunt extingvendæ. *Vrb. 8. constit. 5.* Qui propria authoritate assumit, aliquod Beneficium, excommunicatur nisi recedat. *Tolet. 18. cap. 4.*

100. *Ex Collect. Barbosæ in sess. 1. de reform. c. 1. n. 62.* Parochis non licet causâ studiorum à suis Parochialibus Ecclesijs abesse, post Cone. Trident. nec Episcopus ad id licentias concedere potest ita decisum. Sed quando Parocho gratia conceditur per Sedem Apostolicam studendi facultas ut fructus suos faciat
hæc

hæc q̄inque exiguntur. 1. ut studeat Th̄ologiae aut iuri Canonico in celebri vniuersitate. 2. ut non sit 30. annorum nisi iam studia incepisset, & illa nondum absolvisset. 3. ad quinquennium tantum à principio studij computandum, adiunctâ clausulâ ut intra annum (in Sacerdotem) promoteatur. 4. ut interim cura animarum per idoneum Vicarium ab Ordinario eligendum, assignatâ illi congruâ portione fructuum exerceatur. In Parochiali quamvis paupere debet asservari Eucharistia. *Ibid. sess. 13c. 6.* Parochus tenetur in sua Parochia residere quamvis in ea tres sint vel quatuor incolæ. Parochiale habens cum Concionatura tenetur in Parochiali residere. *Pius V. cūpientes.* Parochis imperitis assignet Episcopus coadiutorem cum congrua ex fructibus portione. *Trid. sess. 20. de refor. c. 6.* Parochi in illis diebus, quibus Missam tenentur celebrare, non possunt pro ea eleemosynam recipere. *sess. 22.c. 8.* Debent residere etiamsi aura sit illa contraria, etiamsi inimicitiae sint capitales, sed ad sex menses potest à Congregatio-

ne

ne Episcoporum dispensari. *ita eadem*
Congr. 15. Febr. 1659. Debet etiam senex,
debet etiam tempore pestis, licet per ali-
um possint ministrari Sacra menta. *Ad*
Trid. sess. 23. de reform. c. 1. n. 60. nec pri-
mo bimestri abesse potest sine licentia E-
piscopi in scripto *ibid.* nec substitutum
relinquere inconsulto Episcopo, & cau-
sa iusta: si autem sit ficta, peccat morta-
liter & fructus non facit suos. *ibid.* ut
quis privetur ob non residentiam debet
præcedere una citatio personalis, vel tres
in Ecclesia & ab ultima expectari sex
Menses. *ibid.* Parochus potest promo-
veri ad Sacerdotium, etiamsi accipit Pa-
rochiam non habens aliquem ordinem
Sacrum, approbatur solùm in eo loco ad
confessiones, in quo habet Parochiam
& dimisso beneficio novâ indiget appro-
batione. Approbatus potest suorum au-
dire confessiones.

101. Parochus diebus festis Missam ce-
lebrare debet in Ecclesia propria & non
in alia. *Congr. Conc. 1629.* Beneficia cu-
rata nec in perpetuum, nec ad tempus
habere possunt Regulares, quamvis *Ca-*
no.

nonici sint. *Barbos. in Decision.* Cadaver ne sepeliatur prohiberi non potest occasione juris sepulturæ, cùm nulla ratio partiatur Christianæq; pietati sit repugnans maximè verò ob pecuniarum interesse, cadaver insepultum remanere. *Congr. Episc. 17. Sept. 1617.* Parochus debet residere in loco, ubi sita est Ecclesia Parochialis, etiamsi illi esset datus coadiutor ratione infirmitatis. *Congr. Conc. apud Barboſſ.* & si non habeat domum propriam in loco, ubi residere tenetur aliquam conducere debet. *ibid.* neq; excusatur à residendo etiamsi capellanum retineat in Parochia, & ipse accedat singulis diebus festis. *Congr. Conc. 1627:* & si hoc non fecerit tenetur ad restitutionem fructuum. *Congr. apud Barbos..* Potest statuere Episcopus ut nec per duos dies absit Parochus sine illius licentia *ibid.* non potest per hebdomadam abesse ab Ecclesia sine licentia reliquo Vicario idoneo approbato. *ibid.* Parocco post Tridentum non licet ab Ecclesia causâ studiorum abesse, neq; id Episcopus concedere potest, & si concesserit, non suffragabitur.

Congr.

Congr. Conc. 1595. Resignans Beneficium potest rogare ab Episcopo ut conferat, à se nominato. *Barbos. de potest. Episc.* alleg. 65. Liberum est Parocho ut cuiusq; approbato confiteatur. *Congr. Episc.* 1501. Cùm Clericis in iure præcipitur, aut prohibetur, intelligitur de ijs qui sunt in Sacris. *Sa. V. Clericus n. 2.*

102. Prædicans errores, aut scandalum disseminans, interdicatur ab Episcopo. *Trid. Jeff. 5. c. 3.* nec certum Antichristi diem aut iudicij prædicent, neq; suas revelationes, neque vitia Episcoporum, aut aliorum Prælatorum fugillandō mordent: & hæc tria prohibentur sub pena excommunicationis reservatâ absolutione Papæ. *Leo X. an. 1516.* Ne historias apocryphas narrent, neq; miracula non probata, neq; fabulas ineptas, neq; hæreticorum opiniones referant apud imperitos. nec quanquam nominatim, aut tacitè illum designantes, infestentur. Indulgentias ne publicent sine consentiu Episcopi. *Cenc. Mediol. I.*

103. Parochi approbati ad confessiones pro sua Parochia non sunt pro to

Diæcesi, & dimissâ cessat approbatio.
Praxis nova Episc. p. 2. c. 2. neque alius
præterquam Episcopus potest approba-
re Confessarios. *Barboſſ. alleg. 2.* Qui
fuerint approbati sine examine, possunt
suspendi & examinari *Congr. Episc. 1615.*
non approbati si audiunt excommunicati
sunt & confessio est nulla. *Mediol. 1.* Pro-
hibit⁹ audire confessiones valet absolu-
tio si sit approbatus, & non est illi sub-
lata iurisdictio. *Sà V. Confessor n. 11.* Con-
fessionalia non sint in angulis & cellulis
sed in Ecclesia in aperto loco, *Mediol.*
2. habetur ibi Bulla cænæ, & tabella ca-
ſuum reservatorum. *Mediol. 4.* Super-
pelliceum & stola adhibetur à sacerdotali.
Mediol. 5. Confessarius sollicitans Pæni-
tentē, si vel agat Confessarius sollicitans
Pænitentem, si agat Confessarius ut ab
alio fiat peccatum, sive antè, sive post
immediatè, sive occasione immediatè,
sive occasione confessionis; cā etiam non
sequtā, sive extra Confessionem, sed in
loco confessionis, deferri omnino debet,
& Pænitens de hoc moneri. *Pius IV.* Ex
causa concernente Confessionem potest
Epi-

Episcopus suspendere Confessarium ab-solutè approbatum. item si sit valde scandalosus *Congr. Episc. 1630.*

104. *Pixis ex ebore non sit pro Eucha-ristia. Congr. Episc. 1616.* Ministrans Eu-charistiam, vel ad Infirmum deferens, nihil omnino recipiat, etiam à sponte dantibus sub pæna suspensionis à Divinis ipso facto. *Mediol. 7.* Purificatio nun-quam detur in vase Sacro, vel formam calicis habente. *Mediol. 1.* Reis capitali sententiâ damnatis, etiam manè quando exequenda est, potest dari Eucharistia. *Congr. Episc. 1590.* etiam non ieiunis. *Sæ V. Eucharistia num. 2.* Nunquam ad æ-grotos deferatur ut eam tantum adorent. *Praxis Episc. V. Eucharistia.* Putrefactis hostijs in pixide, custos earum triginta diebus pæniteat. *Silv. V. Eucharist. 20.* Qui incautè eam dimiserit, etiamsi nihil nefandum acciderit tribus mensibus ab officio suspendatur. *Ibid.* Non fiat concio coram Sacramento exposito capite tecto. *Congr. rituum 1630.*

105. Sepultura nullo respectu retarde-tur. *Congr. Episc. 1917.* sed non fiat ante

110 PAROCHIALIS.

12. horas ab obitu, & qui repente obēunt, ante horas 24. *Mediol.* 5. Accensæ candelæ deferantur à Clero, nec extinguantur nisi finito officio *Mediol.* non portent laicum Ecclesiastici. *Mediol.* 6. non inferatur cadaver in Ecclesiam inter Missæ majoris celebrationem. *Mediol.* 1. Quod nomine campanarum seu Sacristiæ datur Episcopo concedente, id verè in eos usus insumatur. qui crucem tulerit, vel campanas pulsaverit, accipiat quod eo nomine statutum est. *Mediol.* 4. Cerei circum cadaver, & in altaribus accensi, Sacristiæ addicantur, & postea ad Missas adhibeantur, & nullo modo vendantur, sine licentia Episcopi. *Mediol.* 1. c. 2. qui supererunt, Parochi erunt, vel ad quos de iure. *Mediol.* 2. Nulla pactio vel pignus fiat, piæ tamen consuetudines serventur. *Mediol.* 1. Pro loco in quem mortuus infertur, ne quidquam prorsus exigatur, nisi pia adsit consuetudo, neque nomine cenotaphij. *Mediol.* 4. Pauperum cadavera gratis sepiantur. *Congr. Episc.* 1617. Neque Parochus intra cui⁹ fines est occisus alienæ

Pa-

Parochiæ, aliò transferri illius cadaver prohibeat, nihilq; ideo accipiat, si verò translatio fit cum funere, liberum sit illi uti iure suo. *Mediol.* 4. Anniversaria ne fiant die festo, sed præcedenti, vel se-quenti. *Cong. Rit.* 1608. Tolerantur Missæ privatæ de Requiem in festo dupli- ci quod non est de præcepto, pro imple- da voluntate testatorum, *Ibid* 1602. In altari pro certis diebus privilegiato non potest dici Missa de Requiem in festo duplici de præcepto. *Ibid.* 1617. Qui- bus diebus prohibetur fieri de festo du- plici, non debent dici Missæ de Requiem. *Ibid.* Parochus non potest plūs recipi- re pro tumulandis exteris quam pro civi- bus. *Congr. Conc.* 1617. Si deponantur in Parochiali, ut inde transferantur ad Ecclesiam Regularium in qua elegerunt sepulturam, nihil debetur Ecclesiæ Pa- rochiali, exceptis iuribus Parochialibus. *Congr. Rit.* 1619.

106. *In celebratione Missarum tollantur omnia, quæ avaritiam, irreverentiam, superstitionem sapiunt, mereendum, con- ductionis, puta quidquid pro Missa novis*

datur, illiberales eleemosynarum exactiones remoyeantur, cert⁹ numerus Missarum & candelarum. *Trid. sess. 22.* Ne cui vago & ignoto Sacerdoti celebrare liceat. *Ibid.* Neq; in Monialium Ecclesijs celebret quis sine licentia Episcopi sub pæna suspensionis. *Mediol. 2.* Ne detur amplius facultas faciendi plures Missas in die quacunq; de causa. *Mediol. 5.* in privatis domibus , aut extra loca designanda & visitanda ab Ordinarijs ne celebretur. *Trid. 1. c.* In Infirmary Monialium ne permittantur celebrari Missæ. *Congr. Episc. 1603.* Anticipata celebrazio pro incerto eleemosynam oblaturo prohibita est à Paulo V. Pro stipendio etiam incongruo acceptato pro Missa, ea dicatur integrè & non una pro pluribus stipendijs , sublatis omnibus privilegijs. *Congr. Conc. 1625.* Qui cum certa eleemosyna suscipit Missam celebrandam, eam ne comittat alteri retentâ sibi parte eleemosynæ. *Ibid.* si maior eleemosyna detur ultra taxam, ea tota debetur celebranti. *Ibid.* Testatore non præscriben-
te eleemosynam pro certo numero Missarum

rum, præscribat Ordinarius. *Ibid.* Qui titulo Beneficij, legati, capellæ, salarij, tenetur celebrare, non potest eâdem Missâ alteri danti eleemosynam satisficeret. Eleemosynæ ita accipiantur, ut oneribus anterioribus satisfiat, nisi consentiat in dilationem offerens, prohibentur capsulæ etiam in die omnium Fidelium Defunctorum, hoc est, ad colligendas incertas eleemosynas. In altari sub quo humata sunt corpora defunctorum, non debet Missa celebrari donec aliò transfrantur. *Congr. Episc. 1599.* Neq; Gloria, neq; Credo dicitur in Missa in qua adhibetur color violaceus. *Congr. Rit. 1607.* Excusat à Residentia **causa** inimicitiarum & discrimen vitæ, ut possit Parochus abesse per annum dato Vicario idoneo. *ita Decisum apud Barbos. alleg. 33.*

107. Si Parochus *tempore pestis* velit resignare non est audiendus, Rodriq. Tēpore magnæ Pestilentiae cessant omnes catus reservati, & omnes Sacerdotes etiam non approbati absolvete possunt. *Greg. XIII. Musica instrumenta absint à processione.* Paulus V. Absolvere potest

Sacerdos à casibus Episcopo reservatis si urget necessitas & abest Episcopus. *Trid. sess. 14 Can. 10.* Absolutus ab exigua à casu Bullæ Cænæ incendit in excom. sed non reservatam; *Paulus III constit. 10.* Absolvendi facultas delegata non potest subdelegari. Absolutio à peccatis non potest fieri conditionata. *Mogunt. 4 c. 24.* Absolutio quævis extorta non valet, & extorquens excommunicatur. *De ijs quæ, in 5. cap. unico.*

108. Baptismus sit in Ecclesia, non domi, non in Oratorio nisi necessitas urgeat, excipiuntur filij Regum & Principum. *Clement de Bapt.* Baptisatus si nullam committit culpam & mortuus, statim ad Regnum cælorum & visionem Dei admittitur. *Eug. IV. in Decr. unico.* Baptandus renuntiare debet diabolo & pompis eius, & operibus eius: opera autem diaboli sunt peccata gravia, ut homicidia, adulteria &c. quæ diaboli instigantur. pompæ vero sunt, iactantia, fastus, superbia, elatio &c. *lib. 7. Constit. Apost. c. 4.* Clerici non possunt tenere canes venaticos. *De Clerico venat. c. 1.* non possunt

vacare aucupijs & venationibus. *Later.* 4.
c. 15. Clerici provocantes se ad magis
bibendum, suspendantur ab officijs. *Later.*
c. 1. Comam usq; ad aures tondere de-
bent Clerici. *Tolet.* 18. c. 3. Confessarij
debent apud se habere tabellam **casuum**
reſervatorum Papæ & Episcopo. *Mediol.*
I. p. 2. Ecclesiasticas functiones pro pre-
tio facere est simonia & tenetur in duplo
reſtituere. *De Simonia cap.* *Audivimus.* lu-
rare debet Parochus quod nihil pro Paro-
chia ſolverit. *Mogunt.* c. 4. 91.

109. Miffam relegere debet Sacerdos
antequam ad altare accedat, & signa præ-
parare ne erret. *Mediol.* I. p. 2. Miffa di-
ctâ gratiæ ſunt agendæ à celebrante. *ibid.*
Candelæ extingvendæ non ſunt ante-
quam ultimum Evangelium ſit comple-
tum. *ibid.* Miffa dici non potest **capite**
velato. *ibid.* nec ſine Ministro. *Leo IV.*
nec ſine luminibus, nec in calice plum-
beo, vitreo, ligneo. *ibid.* nec potest dici
à Sacerdote cum baculo accedente ad al-
tare. *Conc. Rom. sub Zach.* Sacerdos in al-

tarī

tari nullum expectet, neque introitum Missæ pro aliquo repetat. *Mediol. i.* Nec possunt plures Missæ ab eodem unâ die dicî, sine dispensatione Papæ exceptâ die Nativitatis D, *Mediol.* Missa non dicenda in eo altari, in quo cā die Episcopus eam dixit. *De consecr. d. 2. c. in alteri.*

110. Prædicator non prædicans semen Verbi Dei, damnatur. *dist. 43. p. dispensatio.* privans populum necessarijs, Deum irritat, & Deus illi irascitur. *d 5. c. sed illud.* Olim, Prædicatore prædicante qui ab auditorio exibat excommunicatur. *de consecr. d. 1. c. Sacerdotes.* Prædicatores non possunt redarguere aliquem expresso nomine in actu prædicandi sūb pæna excommunicationis Papæ reservatæ. *Later. 5.* Regularibus confessi non tenentur eadem confiteri proprio Sacerdotii. *Extra de privileg. c. Inter cunctas, & satisfaciunt præcepto annuæ confessionis.* *Later. 5. seß. II.* Rogationum tempore olim iciunabatur. *Aurel. i.* nunc vero iejunandum non est nisi Mediolani, quia Mediolanenses Quadragesimam incipiunt triduo postquam alij. *Mediol. i.*

p. 2. **Sacerdos ignorans non excusatur**
d. 38. c. *Si in laicis Curati cogendi sunt ad
subeunda per seiplos, & non per substi-
tutos ea munera, ad quæ tenentur, tole-
randi autē ut per substitutum suppleant
in illis tantum casibus, quibus expressis
verbis Canonum, Decretorumq; Con-
cilij permisum eis est, ut per Vicarios,
Coadiutores, & substitutos, possint Offi-
cio suo fungi. Apud Barbos. Cong. Trident.*

*Anno 1591. Ecclesiam novam benedice-
re, vel pollutam reconciliare spectat ad
solum Episcopum. Congr. Rit. An.. 1658.*

*Parochiales Ecclesiæ collatæ non serva-
tâ formâ à Conc. Trid. traditâ, vacant,
& Sedi Apostolicæ sunt reservataæ. Pius V.
Constit. 33. Parochi occasione ca iaverum
in Ecclesijs Regularium sepeliendorum
prætendere possunt quartam funeralium
ceræ Ecclesiæ Parochiali debitæ. Congr.*

*Episc. 1616. Parocho inconsulto, ac sine
eius licentia defuncti possunt sepeliri in
Ecclesia in qua elegerunt sepulturam, si
requisitus interesse recusat, vel petitam
licentiam deneget. Congr. Rit, 1629.*

III. Parochus qui non rescederit in Pa-
ro-

rochiali domo, vel alia illi vicina tene-
tur ad restitutionem fructuum. *Trid. sess.*
23. c. 1. de reform. Parochus non potest
abesse à sua Ecclesia, etiam relictio in ea
idoneo Vicario approbato cum congrua
mercede, non potest abesse in quam non
obtentâ licentiâ. *Congr. Conc. apud Bar-*
bos. Parochi tempore pestis residere o-
mnino tenentur in suis Parochialibus,
possunt tamen per aliū idoneum Mini-
strare Sacra menta suis Parochianis peste
infectis, Baptismi & Pænitentiæ, & si non
resederint contra eos procedendum est.
Congr. Conc. 1526. Sacerdos curam ani-
marum gerens, si diebus Dominicis, &
alijs solennitatibus non celebret, priùs
est monendus, postea procedendum per
subtractionem fructuum, demum ex-
communicandus, si est legitimè im-
peditus, tunc per aliū celebrare de-
bet. *Congr. Conc. 1609.* Sacerdos de-
linquens in sua Diæcesi, si in alio loco
reperiatur, ad suum Oidinarium remitti
debet. *Congr. Conc. apud Barbus.* Sacri-
stæ nihil exigere possunt pro benedi-
ctione sponsi & sponsæ. *Congr. Rit. 1606.*

Sepultura mortuorum nullatenus retardari aut impediri debet sub quovis praetextu compositionis quartæ funeralis
Congr. Episc. an. 1616. Sepulturam licet eligere Parentibus in quacunq; Ecclesia voluerint, etiam Regularium, pro eorum Filii minoribus, qui ad annos pubertatis nondum pervenerunt, nec à Parochis locorum impediri possunt, aut debent, praesertim si in dictis Regularium Ecclesijs sepeliri coosverunt, vel in eis habeant sepulchrum Maiorum, *Congr. Reg. An. 1640.*

112. Subdiaconi officium exerceri non potest à Clerico in minoribus constituto, quamvis sit penuria Subdiaconorum & consuetudo. *Congr. Rit. 1601.* Potest Clerico in Minoribus constituto committi ab Episcopo munus prædicandi, sed non laico. *Barbott. in Trid. sess 5. de ref.* Parochi per seipso inter Missarum solemnia concessionem habere possunt, etiam quando Episcopus ipse prædicat. *ibid.* Debent prædicare Dominicis & festis solennibus; veniale, si omittant aliquando. *ibid.* Doctor, aut Licentiatus in

in Theologia vel iure Canonico, & in publica Vniversitate graduatus, quando petit provideri de aliqua Ecclesia Parochiali non excusatur ab Examine. Barbos.
ad sess. 7. Trid. de ref. c. 13. Non solum
 in absentia proprii Sacerdotis, aut Superioris, verum etiam quando adest, vel ad illum haberi potest recursus, cum in articulo mortis nulla sit reservatio, potest a quibuslibet peccatis & censuris quilibet Sacerdos etiam censuratus, degradatus absolvere, nec pro hoc novam censuram incurret, & est vera absolutio, nec si infirmus convaleseat, debebit iterum absolvi a peccatis. Id ad sess. 14. can. 7.
 Possunt Religiosi administrare Extremam Unctionem cum ratishabitione Parochi vel in casu necessitatis ipso absente & quivis Sacerdos dum non sit excommunicatus aut suspensus, si Parochus non possit, aut per manifestam iniuriam nolit. *Ibid. ad sess. 24.* Imperitis Parochis non potest depurari Coadiutor nisi ab Episcopo, & talis tenetur ad residentiam sicut Parochus, & Parochus non potest abesse a residentia. *Trid. sess. 2. de refol.*
c. 8.

113. Sacerdoti licet de iusto stipendio pro Missis ad sui sustentationem pacisci, dummodo expressè declareret se non pro Missæ officio, sed pro necessaria sustentatione, se illud exigere; melius tamen si ab hoc pasto abstineat, si non tot Missas celebret pro quo accepit, & peccat graviter, & restituere tenetur, idq; debet eam Missam celebrare quæ petitur. Qui obligatus celebrare ratione Beneficij, capellæ, legati, salarij, per eandem Missam non potest satisfacere dato stipendio non potest sibi partem retinere, & alteri loco sui celebraturo partem dare. Non potest per unam Missam duobus stipendijs satisfacere. Si det Parochus alteri ut pro eo Missam celebret, non plus quam solitum stipendum dare tenetur, non potest concedi ut domi locum honestum habeat in quo celebret Missas duas ut celebret die festo in defectu Sacerdotum, potest concedere Episcopus: sed non potest concedere ut cum pileolo quis celebret. Barboff. ad Trid. Jess. 23. cap. 8.

114. Aquæ benedictæ fuit usus in Ecclesi-

clesia primitiva. invenimus mentionem ipsius aoud S. Clementem Martyrem & Pontificem discipulum S. Petri, & apud successorem illius & Martyrem Pontificem Alexandrum, qui etiam modum huius aquæ benedictæ prescripsit, de qua re frequenter in Chronicis Ecclesiasticis. Fructus huius aquæ, reprimere vires diabolorum, per illam remittuntur peccata venialia iuxta dispositionem hominis, adiuuat etiam contra infirmitates corporis, purgat aerem contagiosum, promovet abundantiam temporalium, ut frumenti: purificat & dispellit tenebras mentis nostræ, recolligit nos; preparat mentem ad puritate orationis, adiuuat nostram debilitatem ad bene operandum & fructuose recipienda Sacra menta, quæ omnia Divina misericordia per hoc operatur elementum, dum nos peccatis nostris hos non impediamus fructus, aut Deus illos propter suas occultas rationes non suspendat. Cum quis utitur ista aqua addat actum amoris Dei vel doloris de peccatis, aut devotionis erga Divinas cum reverentia interna & externa, & quan-

quanto maiores fuerint hi actus tanto
maiores effectus producet ista aqua.
Dum quis se istâ aquâ aspergit, poterit
uti verbis S. Scripturæ & alijs Psalm. 50.
Asperges me Domine & lavabor. Math. 20.
Munda prius quod intus est. Eccl. 18. Ab oc-
cultis meis munda me Domine Eccl. 28. Ab
omni delicto munda cor meum. Aqua bene-
dicta sit mibi salus & vita. Aqua benedicta
deleantur mea delicta. Poterit etiam consi-
derare mysterium Baptismi, & aquam
illam quæ prodiit de latere Christi ut
Deus suam benedictionem isti aquæ ad-
tingat. Ex charta impressa Neapol. An-
no 1631.

115. *Interdicto subiaceat de facto omnis*
cætus, in quo Ecclesiastici compelluntur
ad solvenda pedagia, vel alia per se,
vel alium de rebus suis quas non defe-
runt causâ negotiationis. Sylv. V. Interd.
Tempore interdicti possunt quotidie ce-
lebrari Missæ & Officium Divina submissâ
voce, ianuis clausis, non pulsatis cam-
panis, interdictis & excommunicatis ex-
clusis. sed hoc non valet in interdicto
populi, vel Universitatis non expresso

Iato in sententia, neq; in Ecclesia, vel
Monasterio specialiter interdicto. In fe-
sto Nativitatis.

Die Resurrectionis, Pentecostes, Assumptionis B. V. & Corporis Christi cum Octava pulsanter campanæ, & ianuis apertis, & voce clara celebrantur Divina, admissis interdictis, non tamen illis quorum causa latum est interdictum ne appropinquent altari. nec Sacra menta ministrari possunt. & de Festis intelligitur à primis vesperis ad secundas. In prædictis festis potest Episcopus altaria & Virgines consecrare, calices, vela imponere Monialibus, paramenta, aquam, benedicere. Abbates & huiusmodi, item Sacerdos potest benedicere sponsos, aquam, candelas, palmas, nisi ipse sit interdictus. sed benedictionem Sponsæ tantum in festo Assumptionis B. V. & Corporis Christi. non in alijs. & in his festis quod concedatur sepultura, est probabile. Extra prædicta festa prohibentur exercitia cuiusvis Ordinis, celebratio Divinorum, administratio Sacramentorum, collatio Ordinum, Ecclesiastica se-
pul-

pultura cum officio, pulsatio campanarum, apertio ianuarum, Missa etiam sicut oratio privata in Ecclesia non prohibetur, etiamsi orationes sint interdictæ vel interdicta Ecclesia. Prædicatio fieri potest etiam pulsatis campanis, pulsari potest pro Ave Maria Baptismus potest conferri cum Catechismo, & Pænitentia. Potest viaticum deferri ad infirmos cum campanula & lumine, & ad damnatos ad mortem, sed non alijs. Sed potest dari prægnantibus in periculo. *Hæc omnia ex Sylv.* Post partum introduci possunt sine stola Nav. in Man. c. 413. & Matrimonium potest fieri sine benedictione nuptiali. *Sylv.* Extrema vñctio prohibetur, sed non commendatio animæ. Laici etiam pænitentes debent sepeliri in loco non Sacro sine officio, depositi, & post interdictum transferri poterunt in locum Sacrum & quidem solenniter. Clericis non interdictis & interdictum servantibus non conceditur sepultura cum silentio, cum officio sine cantu, vel in Ecclesia propria vel in aliena. Violantes interdictum complendo aëtum cele-

brando Divina, fiunt irregulares *Ibid.*

De Ecclesia polluta passim scribunt Casistæ, ideo ad illos remitto.

116. In fine de ipsis Ecclesiæ statutis ex quibus hoc confecimus opusculum apponamus. Quæ Romana Ecclesia pro Catholicæ fide, pro Sacris dogmatibus, pro variis & multifariis Ecclesiæ necessitatibus, & Fidelium moribus diverso tempore scripsit, omni debent honore præferri, & ab omnibus prorsus, in quibuslibet opportunitatibus, discretione vel dispensatione magistrâ revertenter assimi. Nicolaus Papa in cap. Si Romanorum dist. 19. Constitutiones Ecclesiasticæ iuxta Glossam dist. 3. in summa ita distinguuntur *Canon.* vocatur propriè constitutum à Concilio universalis. *Decretum* quod Papa statuit cum Consilio Cardinalium. *Decreteralis Epistola* est quam format Pontifex vel solitus vel cum Cardinalibus ad consultationem alicuius. *Dogma* elicitor quod tradit doctrinam Fidei Christianæ. *Mandatum* quod versatur circa mores. *Interdictum* est quod prohibet aliquid sub pœna. *Sanctio* certam pœnam irrogat non obtemperantibus. *Bulla* cùm

cum literæ plenam rei seriem continent. signantur appenso plumbo cum effigie SS. Petri & Pauli. *Brevia succinctè paucis verbis expediuntur & signantur annulo Piscatoris in cera rubea. Cherub. sub Bulla Greg. XIII in Scholio At vero Motus, proprius quando Papa statuit nullius interveniente consilio, suasu, vel petitio- ne. Val. in tit. de Constit. Aliæ constitutio- nes sunt Præceptivæ & colliguntur ex ver- bis præceptūm sonantibus, tum ex mate- ria constitutionis, tum ex pœnis adiun- ctis, quibus omnibus consideratis si ad- huc maneat dubium an sit præceptiva, tenendum eam non esse præceptivam, verba, *Volumus, decernimus, statuimus, monemus, hortamur, intendimus, sancimus,* communiter subsunt tam præcepto quam directioni seu consilio. *Palma de leg. disp.**

1. puncto 9. & alij. Graviter præceptiva- rum cognoscitur. *1. ex materia & fine constitutionis proximo, si finis est magni momenti actio, preces, quæ plurimum conducit ad illum, graviter obligat. Suar.*

3. de leg. cap. 2. Colligitur & ex verbis, si valde aggravent, ut cum dicitur, *In vir-*

virtute S. Obedientie præcipitur. sub inter-
terminatione Diuum Iudicit, vel Divinæ aut
SS. Apostolorum indignationis. vel strictè
mandamus aut inhibemus. Quando autem
simpliciter dicitur. Præcipimus, manda-
mus, prohibemus &c. attendendum est ad
materiam & finem legis. & hæc signa. i.
si communiter teneant Doctores gravi-
ter obligare. si pœnæ graves sunt apposi-
tæ ut excommunicatio latæ sententiæ,
hæc arguunt præceptum esse sub morta-
li. Soar. 4. de leg. c. 18. Quando excom-
municatio maior adiuncta est sed non la-
tæ verùm ferendæ sententiæ, & adiun-
giur nullâ præmissâ monitione, obligat sub
mortali: si autem post unam vel plures mo-
nitiones, probabil us est quod non obliget
sub mortali. Palao disp. 1. de Leg. punct. 15.
n. 3. Excommunicatio minor quia su-
inde incurritur ob venialem culpam,
non est certum signum gravis obligatio-
nis Sanchez lib. 6. in Decal. c. 4. Suspensio,
Interdictum, & Irregularitas quando ha-
bent rationem censuræ & ita fertur ut
ipso facto incurvantur obligant sub mor-
tali, secùs si sint ferendæ sententiæ. Suspē-
siones

sio & interdictum si sint de re levis momenti, vel ad modicum tempus non probant obligationem sub mortali. Suar &c. Degradatio, Depositio; privatio Ecclesiasticae sepulturae sunt signū legis graviter obligantis. Pænæ verē temporales, nisi sint valde graves & insolitæ, non probant sufficienter conscientiam obligari graviter. Navar. In Sum. c. 23- & alibi


Ex Privilegio Vladislai Ducis Masoviae inserto Constitutionibus Synodalibus.


Decimas hyemales, alias Oziminę à principio Mensis usq; ad festum S. Bartholomæi, annuarias vero alias Iärzyny à dicto festo usq; ad festum Nativitatis Beatæ M A R I Æ decimare debebunt, si inter dictos terminos id non fecerint, avisari extunc ille cmetho, apud quem decima stare debet, cum duobus Scabiniis civitatis, Oppidi, aut Villæ, post lapsum dictorum festorum mox dictam decimam indefiniter in horreum suum conducet aut conducedi procurabit. *In iisdem Constit. Ordo decimandi iste præscribitur fol. 191.* Décimationem hoc modo & ordine decimandi fieri decernimus, ut si conventum non fuerit inter partes de modo & Ordine decimandi. Decimator ordine procedat decimam quamvis cassulam si quomodo, sit in optione Decimatoris incipere.


re unde velit, & quæcunq; illi cassula forte ob
venerit, eadem & pro decima cedat. *Ibid. fol.*
122. Districte p^ræcipiendo sub p^aenis infra scri-
ptis, universis Christi fidelibus nostræ Provin-
Gnesnen. hâc Sacrâ Synodo approbante, ut in
diebus Dominicis fora hebdomadaria non po-
nant, & posita revocent, alioquin qui forni-
sationes prædictas deinceps servabunt vel
admittent, post elapsum sex Mensium à die
publicationis statuti præsentis, sententiam ex-
commynicationis ipso facto incurvant. Simili-
modo præcipientes, quod fora annalia quæ
nundinæ, vel in vulgari *Jarmark* appellantur,
dictis diebus Dominicis & Festivis, & speciali-
ter B. Mariæ Virginis & Apostolorum non po-
nant: positaq; infra unius mensis spatium, à
tempore publicationis huius Constitutionis re-
vocent, & ab huiusmodi negotiationibus ab-
stineant: & si secùs fecerint, ex tunc Recto-
res Ecclesiarum & locorum, in quibus præmis-
sa, seu aliquod ipsorum perpetratum fuerit, u-
ne alia requisitione Superioris, sub p^aenis Sy-
nodalibus contra aliter facientes, excom-
municare tenentur.



427







OPRAWĘ WYKONANO
w prac. introl.-konserwat.
Biblioteki „Ossolineum”

Data 1. 3. 72 podpis Uraychuk

